

Akamanyiso Ka Mushanju

Jeffersonville, Indiana, USA

Olkwakashatu 24, 1963

1 Yebare, ow'eishe-emwe. Tukyemereire, ka tushabe. Ruhanga Ow'obushoboorozi bwona, obukomooko bw'Amagara, kandi omugabi w'ebiconco byona ebirungi, eby'omwoyo, buzima kwo hati nitusiima ababw'obwire obu oburukukirayo kutangaaza, oburukurangaanwa, obw'okukwatanisa omu Kubaho Kwawe; nibumanyisa ekintu kikuru munonga omu magara gaitu, Mukama, obwire obu tutaryebwa, n'obu twakugumaho obwire buraingwa.

Kandi nitushaba, Ruhanga, ngu aha kiro eki eky'okuhendera . . . Nitwetegyereza Ebyahandiikirwe, aha kiro ky'aha muheru ky'obugenyi, Yesu akeemerera ahagati yaabo kandi Yaagamba n'eiraka rihango ati, "Omuntu weena ku araagire eiriho, aije Ahariinye!" Mbwenu ninshaba, Tata ow'omu Iguru, ngu ekyo nikiza kugaruka kubaho omurundi ogundi ekiro eki, kugira ngu tubaase kuhurira Eiraka rya Mukama niritweta, kandi nirikweta kuza aha murimo Gwe, okugyenderaga haihi Nawe. Nitwehuriram u ngu twaherize kuhurira Eiraka Rye, omu kubambuurwa kw'Obumanyiso obu, nirigamba ngu n'ebiro by'aha muheru, kandi obwire bwiriire haihi. Tuhe emigisha egi ei turikushaba Taata, omu Iziina rya Yesu Kristo, kandi n'ahabw'Ekitiinisa Kye. Amiina. Mushutame.

2 Nkaayenzire kwongyeraho eki, ngu, omu saaviisi zonna ezi ndagizireho omu magara gangye, niinyikiriza ngu saabiiti egi ebaire obwire oburukukirayo kuba burungi munonga omu magara gangye goona omuri zaasaaviisi. Ti kiine kakwate n'obu ndaabe . . . ndeebire eby'amahano bikuru nibikorwa, hatariho kubanganisa, enyimaho, na zaasaaviisi z'okutambirwa, kwonka eki kirengire ekyo. Bubaire bumwe omu bwire bukur, kimwe omu bintu bikuru by'amagara gangye, n'okuba hanu. Kandi n'okureeba Tabirinaakuru egi enkye erikugira endeebeka egi ehindukireho; t'ekyo kyonka, kureka omunda hagizireho endeebeka ehindukireho!

Kandi, hati, mbaire nimbuuza Billy, akyerereirwe munonga, okwija kuunyakiira. Agambire ngu habaire hariho ekibiina ekindi ekibatiziibwe. Eki, baarengire igana, saabiiti egi, abantu ababatizibwe omu Iziina rya Mukama waitu Yesu Kristo. N'ahabw'ekyo, nitu-nitusiima. Kandi Ruhanga abahe omugisha!

Kandi, hati, ku muraabe mutaine ekanisa owaanyu, nitubaraarika kwija hanu, okwija kandi mukakwatanisa naitwe. Mwijukye ngu ekanisa egi eigwire. Tituri kigombe ky'ediini, kandi nyine amatsiko n'obwesigye ngu teriba kigombe ky'ediini. Okuteerana hamwe kwonka ahu abashaija n'abakazi, n'aboojo n'abaishiki, barikubuganira aha meeza ya Ruhanga, reero bakakwatanisiza aha Kigambo, kandi tukakwatanisa omu bintu byaitu.

3 Hati, kandi twine omuriisa murungi, omushaija wa Ruhanga buzima, kandi ninsiima munonga ababw'ekyo. Ku murajukye, okworekwa kumwe omwaka oguhwaire, ngu Eby'okurya bikaba bibiikirwe omu mwanya ogu. Kandi ekyo kihikiire kimwe. Kandi turi . . . Twine omwanya hati, ogurikugasha, ababw'ebibiina bya Sande sukuuru, ababw'ab'emyaka yoona, kandi nitusiima munonga ababw'omugisha ogu. Haine ogambire, obwire bumwe, ngu kuri baabaire baine ebibiina bya Sande sukuuru ei baakubaasize kwohereza abaana baabo. Hati, imwe, babiine hati. N'ahabw'ekyo, hati, n'ahabw'ekyo mwizire kimwe reero mube naitwe ku muraabe mutaine ekanisa owaanyu. Hatariho kubanganisa, ku muraabe mwine ekanisa nungi ei mushomera, kandi erikubuirira Engiri, n'ebindi, ababw'enki, egyo n'e-egyo n'ekindi kibiina kyaitu, nimureeba, ahanti hantu. Kwonka ku muraabe mutaine ekanisa owaanyu kandi muri . . .

4 Niinyetegyereza ngu baingi baabaire, baiziremu kuruga omu bindi bicweka by'ensi, okuhindura egi ekanisa yaabo. Kandi buzima nitubatangirira hanu aha Kigambo kya Mukama.

Kandi niinyijuka, ninteebereza, obu naagyenda, nkabagambira ngu-ngu zaasaaviisi, nk'oku naabaire ninkyenda, zikaba niziza kuba hanu omu tabirinaakuru. Tinkamanyire byona ebi Mukama anyiniire nyentsya. Ekyo ninkita omu omukono Gwe, ti mugyenko nari ekintu kyona. Nintegyereza kwonka, obwire bwona, We okuunyebembera omu mwanya ogu naakubaasa kumuheereza kurungi okukiraho. Kandi ku Araamare kunkoresa obwo niinyesiga ngu Naija kuntwara Omuka, omu busingye.

5 Kandi, hati, niinsima munonga ababw'okukwatanisa kw'abantu ba tabirinaakuru egi. Nk'oku Billy abaire nangambira, saabiiti egi ngu, nintekateeka, buri eka ejwekeyeirwe hanu haihi na tabirinaakuru egi eine omuntu ou erikuraaza. Bakeigura, amaka gaanyu n'emyanya, kandi baataasyamu abantu abaakubaire bataine omwanya gwona ogw'okuzamu. Hati, ebyo n'ebikorwa bihikire by'Omukristaayo. Kandi amaka gamwe gataire buri muntu omuri buri kashonda aku barikubaasa, okutungira abantu omwanya gw'okutaahamu. Ahabw'okuba, obu bubaire obwire obugumire munonga, ababw'ekyo, nk'ekintu ekibaire nikigyenda omumaisho, ekikwatsire aha mizaano y'ensi, nka basiketiboro nari ekindi kintu, kandi-kandi n'ebishengye bipangisiibwe kareho. Oyongyeireho ekibiina kihango kuruga . . . Nintekateeka, agajwekeyeirwe hanu omu kanisa nkye egi, haihi, nka makumi abiri na munaana nari amatware makumi ashatu agajwekeyeirwe hanu omu kanisa, otabariiremu amahanga abiri ag'aheeru, n'ahabw'ekyo, kandi n'okusisiimuka oku kukye. N'ahabw'ekyo, ekyo nikitwara omwanya muhango munonga, kyo kyonka. Nimumanya aha . . .

Naaba nimbuuza eriizooba, n'abantu bamwe. Ngizire nti, "Nyetegyereize haabaire hatariho abantu baingi munonga ba Jeffersonville hanu, omu ruteerane."

6 Omuntu agambire, yaagira ati, "Titurikubaasa kutaahamu." Mpaho, ekyo, nikwo kibaire kityo. Egyo niyo ebaire eri enhonga. Bamwe aha baporiisi, n'abandi nk'abo, babaire nibenda kwija omu ruteerane, kwonka baagira, babaire nibagaaniira hanu, baagira bat, kwonka baizire kandi tibaabaasa kutahamu, ngu habaire

haaherize kwijura nangwa n'obwire obu baakubaasize kutaahamu butakahikire. N'ahabw'ekyo babaire baine obwire bwabo, shana, bwanyima, kandi tibaizire. N'ahabw'ekyo hati abantu nibaija kuruga omu myanya endijo, n'ahabw'ekyo nitusiima munonga.

Hati, tindikumanya. Ekintu ekindi ekyakukurata eki, kikaaba Enzamba Mushanju, omu bundi butumwa. Kwonka, omu Bumanyiso, omu mazima buri kintu kirimu. Obusingye bw'ekanisa bukaija, kandi nibwo twabandize nabwo, ekyabaire nikikirayo obukuru, kwonka e . . . eky'obwire obwo. Hati, okubambuurwa kw'Obumanyiso nikworeka ei Ekanisa erikuza, kandi n'oku erikuhendera. Kandi hati, ninteekeateeka, Tataitwe ow'omu Iguru buzima abaire omunyambabazi ahariitwe, ahabw'okutwikiriza kureeba ebi tureebire.

7 Kandi eki ninkigamba, nindeeba omu bihandiiko ebya ira ebi naabuuriireho, emyaka mingi ehweire, nkaba ntaahamu kandi ngamba eki naabaire nteekateeka kuba ekihikire, kandi n'okugumizamu. Kikaba kiri hare munonga n'ekyo ekihikire. Kandi hati, Obumanyiso obwo buna, nkabubuurira nk'omu dakiika makumi abiri, bwona. Abatembire embaraasi abo bana, ab'omu kitabo ky'Okushuururuwa, nkabata hamwe boona kandi naagira nti, "Embaraasi emwe ekagyendera omu birikwera," naagira nti, "shana obwo n'o-n'o-n'obusingye bw'okubanza. Kandi embaraasi eyaakuratsireho ekaza omu njara," reeru n'okugumizamu batyo.

Kwonka, mugyenzi, Ekigambo ku kyashuurwirwe buzima, kibaire kiri hare nakyo mailo igana. N'ahabw'ekyo, kitushemereire okureeba n'okutegyereza. Kandi obundi kikaba nikiteekwa kukorwa obwire obu. Nihabaasa kuba habaireho ebintu bingi ebigambirwe, ebirikubaasa kutaikirizana n'abantu abandi. Kwonka niinyikiriza, obwire bukuru obw'okuhendera ku buraije, kandi tukabugana Mukama waitu, nimwija kushanga ngu Kikaba kihikire. Buzima nikwo Ki-Ki-Kiri.

8 Hati, abantu abarikuruga aheeru y'etauni, kuruga omu myanya ya haihi etari emwe n'emwe, abaizire kuruga omu matware agatari gamwe kandi n'amahanga, eshi ninsiima obwesigwa bwanyu okugyenda orugyendo rwona, kandi n'okuza omu biuumuro byanyu. Kandi bamwe omuribo bataine emyanya y'okuraaramu! Ni-nimmanya, habw'okuba mbaasize kuyamba bamwe omuribo kutunga omwanya gw'okuraaramu. Bataine nangwa n'esente z'okuryaho, nari ekindi kintu kyona, n'ahabw'ekyo . . . kandi nabwo baija, oku biri kwona, baine amatsiko kugira ekyabaho, okukitaho omutima. Kandi n'okwikiriza kw'amaani nk'okwo omuri ekyo ngu tikiine nshonga n'obu baakugumaho bataine by'okurya, nari omwanya gw'okuraaramu, nibenda ngu baije kuhurira ebyo, ebintu ebyo ebirikubaho, oku biri kwona. Obwo n'obumanzi buzima, nimumanya. Kandi buri omwe abaire atyo kikumi ahari kikumi!

Mbugaine omuramu enyima okwo, owaabaire ari o-o . . . owaayombekire ekanisa egi n'amatafaari, n'ebindi nk'ebyo. Kandi mbaire nimugambira oku naasiimire omurimo gwe. Tindi o-omwombeki w'amatofaari, nari kumanya ekintu kyona aharikyo. Kwonka nimmanya eki enhonda ya sikweya eri, kandi yaaba eteirweho kurungi.

9 Kandi agizire ati, "Ninza kukugambira." Yaagira ati, "Tihakabahoga obwire, haihi, obu orareebire obuteeka omu bantu, baaba nibakora hamwe." Ow'eishe-emwe Woods, Ow'eishe-emwe Roberson, kandi na buri omwe bari omu mwanya gwabo, buri kintu. Kandi n' Ow'eishe-emwe o-oteiremu ebirikukoresibwa omu kuhurira gye, e . . . nimmanya emizindaaro na buri kintu, omu kanisa. Bakagira bat, "Buri kintu kikagyenda gye." Ku baabaire beetenga ekintu, hakaba haba hariho oyemereire aho kukikora. N'ahabw'ekyo ni . . . Ruhanga ari omu puroguraamu yoona. Nitusiima munonga ahabw'eki.

Abagabi baingi b'amaani omu kanisa, okuyamba kukikora, nk' Ow'eishe-emwe Dauch n' Ow'eishe-emwe kazi Dauch abashutami hanu, kandi n'abandi baingi abahaireyo obuhwezi bwingi ahabw'enshonga egi. Kandi ninteekeateeka, amagingo aga, tibaine na kikye eki barikuburwa kandi na byona bishashuriirwe. N'ahabw'ekyo nitusiima munonga ahabw'ekyo.

10 Mwijukye, n'ekanisa yaanyu, ahakuba muri omuheereza wa Kristo. Kandi ekyo nikyo ey'ombekyeirwe hanu, orwigi orwigwirwe kutendeka abaheereza, abashangirwe bari abaheereza ba Kristo, okwijamu kandi bakashemerererwa omu kukwatanisa kwa Yesu Kristo. Kandi nitwenda ngu mumanye ku buri muntu arikutangirirwa.

Kandi hati ku murampurire obumwe n'obumwe, omu bwire bw'okushukwaho, ndi nk'orikutagura orutimbe aha bibiina by'amadiini, ekyo ti-tindikukimanya aha muriisa waanyu, nari aha w'eishe-emwe weena, ow'eishe-emwe kazi, omu kanisa. Ahabw'okuba, n'obu kiraabe, Ruhanga aine abantu omuri buri kibiina ky'ediini ekirih. Kwonka Taikiriza ekibiina ky'ediini; Aikiriza omuntu okwe omu kibiina ky'ediini. Kandi n'e . . . tikirikwetaagisa ekibiina ky'ediini. N'ahabw'ekyo, abantu ku baboherwa omu kibiina ky'ediini, obunaku obwo tibarikubaasa kureeba ekintu kyona ekindi kureka ekyo kyonka eki ekanisa egoo erikugamba, nimureeba. Kandi ekyo nikireeta okutakwatanisa n'abandi, kandi n'entwaza ei Ruhanga atarakushemererwa, kandi n'ekintu ky'ensi eki Ruhanga atarataireho.

11 N'ahabw'ekyo, hati, tindikumanya omuntu weena okwe. Omukatoriki, Omuyudaaya, eki kyakubaasa kuba kyona, nari-nari owa Metsodisiti, owa Baptisiti, owa puresibateeri, ekibiina ky'ediini kyona, tihariho bibiina by'ediini, kandi-kandi abatari b'ebigombe by'amadiini, na boona, Ruhanga aine abaana Be abashutamiyo omunda okwo. Mwareeba? Kandi emirundi mingi nyikiriza ngu bariyo aheeru okwo ahabw'ekiyendererwa, okuha Omushana, nibakururayo abo abaamanyirwe ira kuruga hoona hoona. Kandi-kandi aha kiro kikuru ekyo obwo

turyareeba, Ekanisa ya Mukama Yesu Kristo eryayetwa aha-ha bwire bukuru obw'oruteerane omu kaabunga, kandi twena turyaza Kumubugana ahaiguru. Kandi nte-nategyereize eshaaha egyo.

Hati, hariho bingi munonga ebirikubaasa kugambwa! Kandi omwebazyo ogu, aha kuhereeruka, ekiro ekirikuhendera, nk'obutoosha, buri muntu na . . . Omu saaviisi y'okutambirwa, ninshanga, okugirira ekihika ebantu bikuru okukorwa omu saaviisi y'okutambirwa, ekirikubareetera okutatebeekana, okugira ekihika. Kandi bwanyima ninshanga ekintu nikyo kimwe omwebazyo ogu, ngu buri muntu aine ekihika ky'okureeba oku . . . Kandi buri kiro, nikwo kitwire, omu kubambuurwa kw'Obumanyiso obwo.

12 Hati eki niinyenda kukishoboorora gye. Buri bwire, buri bwire obu Obumanyiso obu buhikire ahu; buri kintu eki Ndabwikiriizeho, kandi nkakishoma aha bantu abandi, kihindukire aha ki ntungire omu kishengye. Kandi enteekateeka yangye, omu bwire obu . . . Enshonga etumire naagira saaviisi egyo ey'okutambirwa akasheeshe aka, ahawb'okuba enteekateeka yangye y'obuntu neegiira kimwe hare n'okuteekateeka kwangye. Ngyerizeho kuguma omu-omu kishengye n'entimbe zitairweho, kandi n'etaara neeyaka. Eki n'ekiro kya munaana. Kandi nangwa ntahikire n'omu motoka yangye, ku-kuza ahantu hoona.

Kinyetaagiise kugyenda n'ab'eishe-emwe bamwe, eifo omu banka okuta omukono aha bihandiiko bimwe n'ebindi, aha sente n'ebantu ebibaire byeguziibwe ahawb'ekanisa egi. Kwonka ni-kwonka ngarukiire kimwe enyima, kandi naagiira kimwe omu kwega. Kandi ekintu ekirikutangaaza, tihabaireho n'omwe ogambire ekintu kyona. Nari, obutoosha, nibakongoota aha rwigi nibakurura, kandi aho. Tihabaireho kintu na kimwe. Kibaire eky'okutangaaza munonga.

13 Ahu ntwire nindiira, ow' Ow'eishe-emwe Wood. Obutoosha omwanya ogwo guba gupakiirwe n'emotoka. Kandi babaire baine abantu munaana nari ikumi abatari bamwe ababaire nibaza kwija kutaaha nabo omu bwire obu, kandi tihariho n'omwe omuribo oizire.

Bwanyima, akasheeshe aka, tindyebwa akasheeshe aka, embabazi z'Omujuni waitu aha muheereza We oruhire, oruhire munonga. Ku, mbaire naagarukamu ekibuuoz ky'omuntu enshoberwa, kandi, omu kwetegyereza kwangye okurikukirayo, ninteeekateeka ngu nkozire ekihikire. Kandi, ahonaaho, orikushusha oti mbaire-mbaire naiha ekintu aha mwana, mburiirwe kimwe obusingye, kandi tinaamanya eki kibaire kiri. Kandi naateekateeka, shana ahawb'okugira ngu mbaire nyine obwira okuhika aha saaviisi egyo ey'okutambirwa, obundi hariho omuntu orwaire munonga otakiteza, obaire naateekwa kushabirwa obwire obwo. Kandi mbuurize abahurikiza. Omu dakiika nkye, kyashuuruurwa. Reero omuntu yaagira ati, "Toshoma-togaruka okashoma ekicweka kyaw?" nari ekintu nk'ekyo. Kandi obwire obwo, ntooratoire akacweka k'orupapura kandi naagaruka naakashoma, okureeba ekikirikugamba. Kandi naareeba omu Kitabo, kandi kibaire kihindukiire kimwe, ekibuuoz eki mbaire ningarukamu. Mwareeba?

14 Reka eki nkibamanyise. Ekirengire eby'obuhangwa ku kitaahamu, egyo n'enteekateeka ya Kristo. Nooba hare munonga n'okuteekateeka kwawe, okuhitsya obu, omu biteekateeko byawe, ni . . . Eki, no . . . Tinka . . . Mutatuma ekyo naagyezaho kukishoboorora, ahawb'okuba tindikubaasa. Mwareeba? Tindikubaasa kukikora. Tihariho n'omwe orikubaasa kukikora. Omushaija ogwo akaba naabaasa ata, ogwo ni Eliya, okwemerera okwo aha rushozi, omu Kubaho kwa Ruhanga, haza akaisha omuriro omu iguru gukagwa ahansi, kandi bwanyima enjura ekagwa ekuratsire omuriro? Reero akazibira eiguru, kandi enjura etagwe kumara emyaka eshatu n'ameezi mukaaga, kandi akagaruka akeeta enjura, aha izooba eryo niryo rimwe! Kandi ahansi y'okushukwaho okwo, oku . . . Kandi akakwata abanyamurwa magana ana okwo kandi yaabaita; reeru yaahungira omu ihamba, naataka ahawb'amagara ge, ahawb'okutiinisibwa kw'omukazi omwe. Mwareeba? Zezebeeli, akarahira ngu naaza kumwita. Ku, Ahabu, n'abo boona bakaba bariyo, okureeba Okubaho kwa Ruhanga n'eky'amahano kikuru nikikorwa.

15 Mwareeba ekye . . . Omwoyo akaba amutsigireho. Omu kuteekateeka kwe kw'obuntu, taramanyire oku yaakuteekateeka, mwareeba. Akaba atarikubaasa kuteekateeka ahawbe. Kandi, mwijukye, Maraika akamugwejegyeza, kandi yaamuhuumuza. Yaamwimutsya, yaamuha emigaati; bwanyima yaagaruka yaamugwejegyeza, kandi yaamuhuumuza; kandi yaamwimutsya, kandi yaagaruka yaamuha emigaati. Kandi titurikumanya ekyabaire aha muntu ogwo, okumara ebiro makumi ana. Bwanyima yaagarurwa enyima omu nyanga, ahantu, kandi Ruhanga yaamweta.

16 Mutagyezaho kushoboorora ekyo eky'Ekirengire eby'obuhangwa. Timurikubaasa kukikora. Mwareeba? Ekintu kyonka eky'okukora, n'okugumizamu mukagyenda omumaisho. Kandi ningyezaho kukishoboorora gye oku ndikubaasa, kwonka kuruga hati niinyija . . . Ninteeekateeka ngu tindigaruka kukigyezaho bundi. Nimwija kwikiririza kimwe, nari ngaaha. Kandi ndi . . . Nimwija kureeba, bwanyimaho, ahawb'enki.

Hati ngyerizeho kuba omwesigwa. Ekyo Ruhanga naakimanya. Kandi ekibuuoz ekyo akasheeshe aka. Mbaire ningyezaho okukigarukamu omu mazima nk'oku mbaire nimmanya okukigarukamu. Nshomire ekicweka ky'okubanza ky'omushororongo ogwo, kandi kibaire . . . tikyakubaire kihikire. Kwonka Omwoyo Orikwera, ahawb'okwetegyereza ngu . . . omutima gwangye . . . Mwareeba, mureebe, ebiro bibiri nari bishatu ebihweire, ekitwire nikibaho. Mwareeba, nke-nkeeta magana mushanju . . . "enkumi mushanju," magana mushanju. Akasheeshe aka, mbaire ningyezaho, kandi kikwatsirwe n'abantu, mwareeba, kandi ekyo kyorekire ngu mubaire nimureeba.

17 Hati, ekindi, ahu mbaire ningyezaho kugamba "enkombe ego," reero nkagyeta omwana gw'entama; kwonka ekyo nkirabukireho ahonaaho. Reeru, hanu, kimwe ekyo eki ntarabukireho, Omwoyo Orikwera ahindukire ahonaaho kandi yaakinyoreka. Okwo n'okuhanya kw'enyabubiri ngu ebintu ebi bihikire. Biri . . . Ruhanga naareeberera, okureeba ngu kihikire. Ekyo kihikire. Ekyo Akunda kukikora. Naayenda ngu mumanye ku gari Amazima. Niwe ogwo Orikugoohereza 'habw'okuba buzima kikaba kitari . . . Ribaire eishomo ahariinye, erirkugasha, nk'oku ribaire ahariimwe. Kandi n'ahabw'ekyo nitu . . .

Ninsiima munonga abbw'o-o-obwengye, okumanya hati ahari Mukama, eshaaha ei tutwiremu; mwareeba, tutwire omu bwire bw'aha muheru bwonyini, Ekanisa etakagyenzire. Hati kakyeho . . . Twaba nitugamba, n'ahabw'ekyo ka tugarukye tushabire Ekigambo emigisha Ye.

18 Tataitwe ow'omu Iguru, nkiki hanu ekiro ekyo kikuru kyaija, eshaaha nkuru ei obu ekintu kikuru kibaireho. Kitwire kiri haihi n'abantu obwire bwona. Kandi, Taata, ninshaba ngu omwebazyo ogu kibaase kumanya, hatariho kubangaanisa kwona, aha mitima y'abantu n'ebiteekateeko, kugira ngu babaase kumanya ngu Ruhanga akiri aha Kitebe ky'Obukama, kandi ngu na hati Naakikunda abantu Be. Kandi niyo shaaha, eshaaha ei ensi eretengire kureeba, hati neirira haihi, ahakuba neetakira okucungurwa.

Nitubaasa kureeba ebintu byetegwire kugigarura. Nitubaasa kureeba ebintu byetegwire okureeta Ekanisa omu Kubaho kwa Kristo. Nitubaasa kureeba O-Omugore naataho enshusha, naajwara ekijwaro ky'obugyeniyi bw'okugaitwa, naayeteguura. Nitubaasa kureeba ekyererezi nikimurika. Nitumanya ngu turi aha mperu.

Hati, Tataitwe ow'omu Iguru, nk'oku eki kirikugyenda omumaisho kubuurira hati, nari okwegyesa aha kintu ekirih eki ekikuru, eky'amaani ekyabaireho omu Kitiinisa, emyaka enkumi ibiri ehangwire, kandi kikaheebwa entumwa nkuru erikukundwa, Yohaana. Kandi omwebazyo ogu nituza Okukigambaho. Ka Omwoyo Orikwera aije omumaisho hati omu Bushoborozi Bwe bw'amaani bw'okushuuruurirwa, kugira ngu Abaase kutushuuruurira ekintu ekyo eki Arikwenda ngu tumanye nk'oku Akozire omu biro bikye ebihweire. Nitwehayo Ahariiwe, n'Ekigambo, omu Iziina rya Yesu. Amiina.

19 Hati, nk'oku murikwenda kubiikuura, shana, omuri Baiburi zaanyu. Kandi ogu n'omushororongo mugufu, omushororongo gumwe gw'Ebyahandiikirwe. Kwonka, nigwo mushororongo gw'aha muheru, nigushangwa . . . Nimmanyisa, Akamanyiso k'aha muheru. Hati, ekiro ekihweire tubaire nitugamba aha Kamanyiso ka Mukaaga. Akamanyiso k'Okubanza, n'okwanjurwa kwa antikristo. Obwire bwe bukahwa, kandi tureebire oku yaarugireho. Reeba oku Ekihangirwe ekiine amagara ekyayanjwirwe, aha Maani ga Ruhanga agarugireyo kugyenda n'amaani ga antikristo, kugarwanisa! Tindikwiriza ngu nihabaasa kubaho ekibuuzo omu biteekateeko by'omuntu weena aharikyo.

Bwanyima nitushanga, n'ahonaaho ahanyima y'ekyo, obusingye bw'ekanisa ego, Ebihangirwe ebyo ebiine amagara bikarugayo. Ku tumazire, nitushanga ngu, tuhindwire, ekishushani kyona aho, tihariho ebindi Bihangirwe ebigarukire kurugayo. Mwareeba? Kwonka, kibaire kiri okwanjura, ekirikurugayo, kuza omu bunaku bw'Okubonabona, ahanyima y'Ekanisa kugyenda. Ka nikikwatanisiza kimwe gye n'obusingye bw'ekanisa! Tindikureeba n'akantu akarikwingana busha, n'ekintu kimwe ekitarataahiremu gye munonga, n'aha busingye na buri kintu, kandi n'obunaku. Kiteekateekyeho. Ekyo nikyoreka, Ruhanga naateekwa kuba niwe yaakikozire. Ebiteekateeko by'obuntu ekyo bikaba bitarikubaasa kukikyenga.

20 Kandi hati nitushanga ngu ekyo, nakyo, nitu . . . Mukama akatubaasiisa kukwata Ebyahandiikirwe, Ebyahandiikirwe Ebirikwera, ebi Yesu yaagambre ngu nibiza kubaho. Mbwenu tukaabaire tubizoire tuta? Kandi hanu, aija kandi ashuruura, kandi akireeta gye. Eishomo Rye okwo, naagarukamu ekyo, nirikishoboorera kimwe buzima, omu Bumanyiso mukaaga, kwonka Akatambuuka aka mushanju. Mwareeba?

Bwanyima Obumanyiso ku bwabambwirwe, Ruhanga, mwetegyereze hanu, Akatambuuka okushuuruura n'obu kaakuba akabonero k'Aka Mushanju. Mwareeba? N'enaama ya Ruhanga buzima. Mwetegyereze. Hati twaza kushoma omu Baiburi, omu-Akamanyiso ka Mushanju. Ako nikashangwa omu kitabo ky'Okushuuruurwa, eshuura ya 8.

Omwana gw'entama ku yaabambwire akamanyiso ka mushanju, haabaho akaceceko omu iguru okumara nk'ekicweka ky'eshaaha. Kandi ebyo nibyo byonka ebi tukiineho.

21 Hati nituza kureeba. Kandi ninza kugyezaho okutakyereze munonga, 'habw'okuba baingi omuriimwe nimuza kugyenda, nabwo, omwebazyo ogu, kutaaha. Kandi ngearakire naateekateeka, kugiraho saaviisi y'okutambirwa akasheeshe aka, ekyakubaasa kubareetera kugyenda omu kasheeshe, mutabandize mwatagyereza. Kandi hati nitu . . . Kandi nyowe, naanye, nshemereire kugyenda kuza-kuza Tucson, Arizona, ei ndikutuura. Kandi niyo eka yangye eri hati. Kandi bwanyima ni-niinyenda kugaruka hanu, Mukama yaasiima, hanu . . . Ab'eka yangye nibenda kugaruka ahabw'ebiro bikye omu kwezi kwa Mukaaga. Kandi, hati, shana mwena niinyija kubabugana eifo hanu, nihaza kubaho oruteerane omu bwire obwo.

22 Saaviisi yangye endijo etebeekanisiibwe eri Albuquerque, New Mexico. Nintekateeka n'ebiro mwenda, ikumi, na ikumi na kimwe. Niinyija kuba ndiyo Orwakana n'Orwakataano Orurikwera. N'ahabw'ekyo nyenzire ngu nzigire zoona, kandi mbaire nyine entebeekanisa ezindi ezi ntaakubaire nimbaasa kuhikiiriza okuhitsya obwire

obwo, n'ahabw'ekyo ninza kuba n'Orwakana nyekiro n'Orwakataano nyekiro, omuri Albuquerque, New Mexico.

Kandi bwanyima-kandi bwanyima e-ekindi, ekirikumanya, haihi, n'ekirikubaasa kubaho. Buzima titurikumanya. Ekyo n'okuba na banywani bangye abarungi, e-ekibiina ky'aba The Midnight Cry, ahari . . . eruguru omuri Southern Pines, North Carolina. Kandi bahurikiize aha siimu okwo hati, eki, boohereize za teleguraamu, obutumwa, na buri kintu, kandi nitwirira haihi, ekibiina ekindi, omuri Little Rock; ky'abantu ba Jesus' Name abu naagizire nabo enteerane, kuriya ahari Cow Palace omu kyanda ekihweire. Baine oruteerane rwabo omuri Little Rock, Arkansas. Kandi batwire, okwiha omwaka oguhweire, nibenda haakiri ekiro kimwe. Nari, nibakyenda kyona, kwonka nabwo bakaashemererwa ekiro kimwe.

23 Kandi n'ahabw'ekyo nkabagambira, ntarikumanya eky'okukora, nkagira ngu nibabaasa kururanga "nk'orurikubaasa kubaho." Bwanyima baryakimanya bwanyimaho! Yaateire esimu? Ahaa. Ni kirungi. Waagamba ki? [Ow'eishe-emwe yaagira ati, "Hot Springs." -Omur.] Hot Springs, niyo? Naaba naashobya. ["Makumi abiri na bina."] Makumi abiri na bina by'o . . . ["Okwakataano."] Okwakataano? [Ondiijo yaagira ati, "Makumi abiri na bina okuhitsya makumi abiri na munaana by'Okwamukaaga."] Makumi abiri na bina okuhitsya makumi abiri na munaana by'Okwamukaaga. Hati rwarangwa, "Nirubaasa kubaho," nikimanya, "Mukama ku araakunde."

Mwareeba? Niinyija . . . Hanu hariho enshonga erikutuma naakunda kukora ebintu ebyo. Nimwija kwega bwanyima y'akaire kakye, hati, mwareeba. Ku ndikuza ahantu, nyenda ngu ndibateyo, ndikumanya ngu Ruhanga akagira ati, "Zayo." Bwanyima omuzigu ku araimukye ahantu hoona, ngire nti, "Ndi hanu omu Iziina rya Mukama Yesu. Garuka enyima!" Mwareeba? Mwareeba? Kandi oine-oine obuhame, ahu ori, mwareeba.

Ku Araakutume ahantu hoona, Naija kukufaho. Mwareeba? Kwonka ku oraagyende, orikuteebereza, obwo tindikumanya; Naabaasa kuba atariyo. N'ahabw'ekyo ni-niinyenda ngu mpamye nk'oku ndikubaasa. Ngiire haingi ahu Atarangambiire ngu nze, kwonka ni-niinyenda kuhamya nk'oku kirikubaasika. Hati Mukama abahe omugisha mwena.

24 Hati, hati nitureeba, ahabw'okuba ogu guri omushororongo gumwe hanu, tukaayenzire kugira eki twakora kakye-kakye-ho tutakahikire hanu. Nimwetegyereza, tukatambuuka eshuura ya 7. Eshuura ya 6 neemara aka Mukaaga, Akamanyiso ka Mukaaga. Kwonka, ahagati y'Akamanyiso ka Mukaaga n'Akamanyiso ka Mushanju, hariho ekirikubaho. Mwareeba? Kandi ka-ka kyatairwe kurungi omu mwanya gwakyo oguhikire, ahagati, eshuura ya 6 n'eya 7.

Hati nimwetegyereza omu shuura ya 7, nitureeba, ahagati y'eshuura ya Mukaaga n'eya Mushanju, hariho omwanya. Omwanya, ahagati, y'eshuura ya 6 n'eya 7 z'Ekitabo ky'Okushuururwa, kandi n'ahagati y'Akamanyiso ka Mukaaga n'Aka Mushanju ahu omwanya ogu guhairwe. Hati eki nitwenda kukyetegyeyeza. Ni kikuru munonga kugira ngu twetegyereze obwire bukye obu.

25 Hati mwijukye, ahanyima y'eshuura ya 4 y'Ekitabo ky'Okushuururwa, Ekanisa egyenzire. Ahanyima y'a-y'abatembiire embaraasi bana kumara kugyenda, Ekanisa egyenzire. Mwareeba? Buri kintu ekyabaire aha Kanisa, kikabaho kuhika aha shuura ya 4 y'Ekitabo ky'Okushuururwa. Buri kintu ekyabaireho omu nkora ya antikristo, kikagarukira aha shuura ya 4. Kandi Akamanyiso ka Kana k'ekitabo ky'Okushuururwa, ahabwa byombi antikristo na Kristo, bikahwa. Kandi antikristo naahika aha kucwekyerera kwe, kandi n'eihre rye; na Kristo naija n'eihre Rye.

Ni orugamba orwa ira orwatandikiire enyima okwo, obwire butakabaireho. Reero baka . . . Sitaane na baamaraika be bakanagwa aheeru, kandi bwanyima baija omu nsi. Kandi orugamba rwagaruka rwatandika, ahabw'okuba Hawa akasheenya orugo orwabaire rumuzitiire, enyima y'Ekigambo kya Ruhanga. Kandi kuruga aha shaaha ego yonyini, Sitaane akasingura orugamba aha Kigambo kya Ruhanga, ahabw'okuba omwe aha bantu Be, ow'amaani makye, akata ahansi emihingo.

26 Kandi okwo buzima nikwo asingwire orugamba buri bwire, n'ahabw'okuba omwe aha bantu Be akata ahansi emihingo kuruga aha Kigambo. Kandi kikakorwa omu busingye bw'ekanisa egi ey'aha muheru, kurabira omu ntwaza y'ekibiina ky'ediini. Eki, ekanisa ehikire, y'amazima, erikwera ya Ruhanga ohuriire, n'otembire embaraasi omubeihi, akaba atakaikiriza Ekigambo, kandi yaahindura ekanisa okugiiha aha Kigambo okugita aha kigunjano.

Hati, nibangahi abarikumanya ngu n'ekigunjano eki ekanisa Enkatoriki ya Rooma eyombekirweho? [Abateeraine baagira bat, "Amiina." -Omur.] Nibakiikiriza? Munonga. Buzima. Hataraho kubangaanisa, nibakiikiriza. Tikyo ekyo kyonka. Omukatoriki, buzima, tikikaateganisaho ebiteekateeko byabo, ahabw'okuba ekyo nibakimanya. Bakongyeraho ekindi kimwe kisya, hanu enshumi nkye echingwire, ngu Mariamu akazooka. Nimukijuka, hanu emyaka mikye echingwire, nk'emyaka ikumi. Nibangahi abarikwijuuka ekyo? ["Amiina."] Eihurire, omwo. Buzima. Mwareeba? Buri kintu, "ekigunjano" kisya. Mwareeba, yoona n'ebigunjano, ti Kigambo. Mwareeba?

27 Omusesardooti omwe, nitubuzana ebibuzzo ijweriho aha, akagira ati, "Omw. Branham," yaagira ati, "Ruhanga ari omu kanisa Ye."

Naagira nti, "Ruhanga ari omu Kigambo Kye."

Yaagira ati, "Titushemereire kuteera empaka."

Naagira nti, "Tindikuteera empaka. Ningamba ebigambo kwonka. Ruhanga ari omu Kigambo Kye. Ekyo kihikire. 'Weena Orikicwaho ekintu kyona, nari Kukyongyeraho ekintu kyona,' Ekigambo nikwo kyagambire."

Yaagira ati, "Mpaho, Ruhanga akaha . . . Kristo akaha amaani Ekanisa Ye, kandi Yaabagambira: kyona eki bariboha omu nsi, kiryabohwa omu Iguru; kandi eki . . .

Naagira nti, "Ekyo n'Amazima gonyini."

Yaagira ati, "Twine, aha . . . aha iteeka eri, eririkugira ngu twine obushoboorozi okukomoora ekibi."

Kandi naagira nti, "Ku muraakikore omuringo ogu kyahairwemu Ekanisa, kandi n'omuringo ogu baakikoziremu, niinyija kukiikiriza. Ku oraakikore, hanu hariho amaizi, 'okubatizibwa omu Iziina rya Yesu Kristo obone kusaasirwa ebibi byawe,' mwareeba, atari ondi kukugambira ngu ebibi byawe byakusaasirwa." Mwareeba? Mwareeba? Ekyo buzima nikwo kiri.

28 Mureebe Petero aine ebishumuuruzo, aha Kiro kya Pentekoote. Mwijukye, aine ebishumuuruzo ebi barikugambaho. Kandi a-abantu bakagira bati, "(Bantu 'mwe kandi) ab'eishe-emwe, tugire tutu okugira ngu tujunwe?"

Petero yaagira ati, "Mweteise, mwena, mubatizibwe omu Iziina rya Yesu Kristo"

(ahabw'enki?) "mubone kusaasirwa ebibi, kandi obwo nimwija kuheebwa ekiconco ky'Omwoyo Orikwera. Ahakuba okuragaanisibwa oku n'okwanyu, n'okw'abaana baanyu, n'okwa boona abari hare, omuntu weena oryetwa Mukama Ruhanga waitu." Ekyo kihikire. N'ahabw'ekyo ekyo nikikimara ebiro byona. Kihweire. Ekyo kikakikora.

Hati, kwonka, nimureeba, antikristo akataahamu, nk'oku twakyoreka kandi tukakishoboorora. Ka n'okushuuuruurirwa! Mugyenzi, mugyenzi! Kandi okuteekateeka, emyaka egi yoona, tukireebire nikirugayo. Kandi nkiki hanu buzima, butsimba, OKU NIKWO MUKAMA ARIKUGIRA.

29 Mbwenu, kandi nitwetegyereza omwanya ogu hati, ahagati, y'eshuura ya 6 n'eya 7. Hati, eshuura ya 7 y'ekitabo ky'Okushuuuruurwa, hanu hariho e-e . . . nihashuuruura ekirikubaho. Tikiri hanu ahabwa busha. Tikitairwemu, ahagati y'eki, ahabwa busha. Mwareeba? Kiri hanu ahabw'ekigyyendererwa, kandi n'okushuuuruurirwa okurikushuuura ekintu. Mureebe oku omu muringo gw'enaama n'omu kubara kishorongyeire kimwe n'Ebyahandiikirwe!

Mwareeba? Buzima. Nimwikiririza omuri kubara ya Ruhanga? [Abateeraine baagira bati, "Amiina." -Omur.] Mwaba mutarikukiikiriza, buzima muburiire omu . . . Buzima nimwija kubura omu Kigambo, ku muraatandikye kuta ina nari mukaaga, nari-nari ekindi kintu, bitari bigambo byonka by'okubara birikugyenda omu buteeka. Nimwija buzima kugira omu kishushani kyanyu, ente erikurya obunyaatsi ahaiguru y'omuti, ahantu nanka. Buzima nimwija kuremwa. Ahabw'okuba, Ruhanga takora . . . Ekigambo Kye kyona kigyyendera kimwe omuri-omuri-omuri kubara. Eego, sebo. Kihikire, ekihikire okukirayo! Tihariho ebindi bihandiiko ebihandiikirwe Nkakyo, Nkakyo, kihikiire kimwe omuri kuba-kubara.

30 Hati, e-eshuura ya 8 neeshuuura kwonka ahi-ahi Akamanyiso ka Mushanju karikuba, ahi ekintu kyona ekindi kitashuurwirwe, hati, tihariho kintu. Tikishuurwirwe omu Kamanyiso ka Mushanju . . . hati, tikiine kakwate n'eshuura ya 7 y'ekitabo ky'Okushuuuruurwa. Okushuuuruwa kwakyo, kw'Akamanyiso ka Mushanju, n'akaceceko konyini. Kandi kuri naaba nyine obwire . . . ninza kugyezaho omu myanya mikye okubooreka. nyima okwo hare, kuruga omu kitabo ky'Okutandika, eshuura ya Mushanju egi- . . . nari Akamanyiso ka Mushanju aka ka-ka-kagambirweho. Okuruga omu kutandika kwonyini, omu kitabo ky'Okutandika, Akamanyiso aka aka Masha- . . . Obumanyiso obu bukagumizamu.

Timurikubaasa kwijuka, akasheeshe aka, turikwhayo ebintu ebi? Kandi mureebe, omwebazyo ogu, nitubiihayo. Kandi nimushanga, ku kiraahikye aha Kamanyiso ako ka Mushanju nikacwekaho. [Ow'eishe-emwe Branham yaateera eshabari rimwe -Omur.] Eego. Yeso Kristo, omu kugamba, We wenka, akagamba aha bwire bw'aha muheru. Kandi ku Yaahikire . . . Akagamba Obumanyiso bwona mukaaga. Ku Yaahikire aha ka Mushanju, yaayemerera. Okwo nikwo kiri, mwareeba, n'ekintu kikuru.

31 Mbwenu, hati, twaza kugamba hanu hati aha shuura ya 7 egi, edakiika yonka, nk'o-nk'okwenda kugibuganisa, ahagati y'Akamanyiso ka Mukaaga n'Aka Mushanju. Ahabw'okuba, ekyo nikyo kintu kyonka eki twine kukurata, amagingo aga, n'Aka Mukaaga . . . ahagati y'Akamanyiso ka Mukaaga n'Aka Mushanju, n'okwetwa kwa Israeli.

Hati, nyine banywani bangye baingi barungi b'eniyikiriza y'aba Jehovah Witness abashutami hanu, nikyo ekyo kyonka nari abaabaire baribo. Obundi bamwe na hati bakiri aba Jehovah Witness. Kandi burijo bata, Omw. Russell akakikora, emitwaro ikumi na ina n'enkumi ina aba, okuba Omugore wa Kristo orengire eby'obuhangwa. Mwareeba? Bo . . . Tikwo kiri. Tikiine kakwate koonaa omu busingye bw'ekanisa, na kakye. Ni Abaisraeli buzima. Hati, twaza kushoma omu dakiika nkye. Mbwenu, omwanya ogu, ahagati y'Aka Mukaaga . . . y'Obumanyiso, n'okweta n'okuteebwaho akamanyiso kw'Abayudaaya emitwaro ikumi na ina n'enkumi ina, abaayetsirwe omu bunaku bw'Okubanabona, ahanyima y'Ekanisa kugyenda. Mwareeba? Tikiine kakwate koonaa n'obusingye

bw'ekanisa, na kakye. Oo, nibeetwa, kandi nikiikirizana gye munonga n'Ebyahandiikirwe. Esaabiiti ishatu n'ekicweka z'aha muheru za Danieli, ezhairwe "abantu" ba Danieli, mwareeba, batari Banyamahanga. Aha "bantu" ba Danieli, kandi Danieli akaba ari Omuyudaaya!

32 Hati mwetegyereze, Israeli, Israeli eikiriza baanabi baayo bonka, kandi, baamara kuhamibwa. Kandi tihariho hantu hoona okuraba omu busingye bw'ekanisa, kwiha omu Kanisa eyaabandize y'entumwa, ekanisa y'Abapurotestante eratungire nabi. Mungambire eziina rye, kandi muriinyerekye. Takabahoga! Bakaba baine, omu busingye bw'entumwa obwa ira, orikwetwa Agabo, owaabaire ari nabi ohamiibwe. Kwonka omuri . . . Abanyamahanga ku baiziremu, omu buhunguzi bwa Ruhanga, na Paulo yaahindukira Abanyamahanga. Ahanyima ya Petero, nk'oku tushomire ekiro ekihweire, akaba atungire kuruga ahari Mukama, ngu, "Akaba naiha a-abantu omu Banyamahanga, ahabw'Eiziina Rye, Omugore We," obwo tibakagirahoga, omu mpapura z'ebayaayo, nabi w'Omunyamahanga.

33 Hati mugarukye enyima kurabira omu byafaayo haza mureebe. Ahabw'enki? Buzima, kikaahakanisa Ekigambo. Buzima. Eky'okubanza ku kyarugireyo, ekaba eri entare, ekyo kikaba kiri Ekigambo kya nabi. Ekindi ekyarugireyo, gukaba guri omurimo, ekitambo. Ekindi ekyakuratsireho kurugayo, bukaba buri obwengye bw'obw'omuntu. Kwonka turagaanisiibwe, omu biro by'aha muheru, ekyo kugaruka omu kanisa omurundi ogundi, ahabw'okuhwera kugorora byona ebyayegyesiibwe omu buhabe, ebi baateishukireho, ebitarakozirwe, ebyatsigaire bitakozirwe. Ahakuba, kikahanuurwaho hanu ngu Obutumwa bwa maraika wa Mushanju bukaba nibuza kumariiriza enaama za Ruhanga. Kandi, kyaba kiri kityo, Tukirabiremu kyona. Nitureeba ngu Nikiikirizana gye munonga n'Ebyahandiikirwe. Egyo niyo nshonga.

34 Hati, nimubaasa kwebuuza, obunaku obu omuntu ogu araije akareebeka? Ku araareebekye, mwijukye, nikiija kuba kiri eky'ahansi munonga n'ebindi, okuhitsya obu amakanisa garikihabaho munonga. Kandi mukaabaasa kwebuuza, amakanisa agakiri ahansi y'emigyezo y'abahunduuzi, gakaayakiira nabi kuruga ahari Ruhanga, owaakubaire naahakanisiza kimwe enyegyesa zaabo n'ebibiina by'amadiini?

Hati, hariho omuntu omwe wenka orikubaasa kuhikiiriza ekyo, Omwoyo omwe wenka orabaire omu nsi, ou ndikumanya. Obundi gukaaba . . . niguteekwa kuba Eliya, omu bwire bwe. Kandi kikaragurwaho ngu kiryabaho, ekitari kindi kureka Omwoyo wa Kristo. Kristo ku yaizire, Akaba ari okwijura. Akaba ari Nabi. Akaba ari-ari Ruhanga wa baanabi. Mwareeba? Mwareeba?

35 Kristo, mureebe oku Baamwangire. Kwonka Akaija buzima nk'oku Ekigambo kyagambire ngu Aryaija. Kwonka ahabw'okuba Yaabaire ari Nabi, bakarogota baayeihia omu Bukama bwa Ruhanga, ahabw'okweta Omwoyo wa Ruhanga, owaabaire naataanisa omu myoyo n'ebindi nk'ebyo, "omwoyo mubi." Bakagira bat, "Akaba ari-Akaba ari omuraguzi, nari sitaane," nikyo ekyo. Omuraguzi ni sitaane, mwareeba, omwoyo gwa Sitaane. Hataraho kubangaanisa. Ekyo mubaire nimukimanya? [Abateeraine baagira bat, "Amiina." -Omur.] Buzima. Okuragura ni okutooreza nabi, buzima ekiri okurogota omumaisho ga Ruhanga.

36 Hati, mwetegyereze. Beetsirwe, omu kwikirizana gye munonga hamwe n'Ebyahandiikirwe, by'emyaka eshatu n'ekicweka erikuhereeruka ya Danieli. Mwetegyereze, omwikiriza wa Israeli-abaikiriza bonka nibagambirwa, omu Ndagaano eya Ira, okwikiriza baanabi baabo ahanyima ya nabi kumara kuhamibwa. "Ku haribaho omwe omuriimwe, ow'omwoyo nari nabi, nyowe Mukama Ny- . . . Ruhanga waawe Ndyamwemanyisa, ngambe nawe omu kworekwa, kurabira omu birooto, kushoboorora ebirooto."

Omuntu abe aine ekirooto, nabi aryakishoboorora. Kandi ku-ku araabe aine okworekwa, naakugamba. Niinyija Kumwemanyisa kuraba omu kworekwa n'ebirooto, Mwemanyise. Kandi eki araagambe ku kiraabeho, obwo muhurikize nabi ogwo, 'habw'okuba Ndi nawe. Kyaba kitabaireho, obwo mutamutiina na akaky. "Yee. Ekyo kihikire. "Murugyeho, mumurekye, mwareeba."

37 Hati ekyo ni . . . Hati, Israeli burijo neeza kwikiriza ekyo. Mbwenu timurikureeba? Ahabw'okuba ahabw'enki? Hati niinyenda ngu mwetegyereze eishomo eri kurungi, omwebazyo ogu, hati. Ahabw'enki? Ahabw'okuba, ekyo n'ekiragiyo kuruga ahari Ruhanga, aharibo. Tindikufayo n'ebihandiiko bigufu birikwingana ki ebi Abanyamahanga barikubaasa kutayo kandi bakabijanjaaza. Tindikufayo ni emirundi engahi ei orikuraba omuri Israeli oine Baiburi omu kwahwa kwawe, orikuhamya eki, kiri nari ekindi; tibaryakiira ekindi kyona kureka nabi. Ekyo kihikire buzima. Ahakuba, nabi niwe wenka orikubaasa kutwara Ekigambo kya Ruhanga kandi Akakita omu mwanya Gwakyo, kandi akaba nabi ohamiibwe. Baryakiikiriza. Ekyo kihikire.

38 Nk'oku naabaire ningamba n'Omuyudaaya eruguru hanu omuri Benton Harbor, obu John Rhyn ogwo, ahabw'okuba empumi amagara ge goona, haihi, yaahumuuka. Bakantwarayo omu House of David. Reero rabi yaashohora n'ekireju kye kiraingwa. Yaagira ati, "Ni bushoborozi ki obukubaasiise kuhumuura John Rhyn?"

Naagira nti, "Omu Iziina rya Yesu Kristo, Omwana wa Ruhanga."

Yaagira ati, "Nikikabure Ruhanga kugira Omwana!" Mwareeba? Kandi yaagira ati, "Bantu 'mwe timurikubaasa kutema Ruhanga omu bicweka bishatu haza mukamuha Omuyudaaya. Okumwihamu ba Ruhanga bashatu; muri ekibiina ky'abatamanya Ruhanga!"

Naagira nti, "Tindikumutemamu ebicweka bishatu." Naagira nti, "Rabi, kikaaba ekintu ky'omutaano imwe

okwikiriza ngu omwe ahari baanabi baanyu akagamba ekintu kigwire?"

Yaagira ati, "Baanabi baitu tibagamba ekintu kyona ekigwire."

Naagira nti, "N'oha ou Isaaya 9:6 yaabaire neegambaho?"

Yaagira ati, "Mesia."

Naagira nti, "Kyaba kiri kityo, Mesia aryaba Nabi-Omuntu. Ekyo kihikire?"

Ati, "Eego, sebo. Ekyo kihikire."

Naagira nti, "Nyoreka ahu Yesu yaaremirewe kukihikiiriza?" Yaagira . . . Naagira nti, "Mesia-Nabi aryagira kakwate ki na Ruhanga?"

Yaagira ati "Aryaba Ruhanga."

Naagira nti, "Ekyo kihikire. Hati waakita aha Kigambo."

Mpwera Mukama, Omuyudaaya ogwo ayemerire aho n'emiziga erikutemba aha matama ge, yaagira ati, "Niinyija kukuhurikiza bwanyimaho kakye."

Naagira nti, "Rabi, ekyo nookiikiriza?"

Kandi yaagira ati, "Reeba," yaagira ati, "'Ruhanga naabaasa amabaare aga kugahiramu Abrahamu abaijukuru." Naamanya ngu akaba ari omu Ndagaano Ensyा.

Naagira nti, "Kihikire, Rabi! Ekyo nookigambaho ki?"

Yaagira ati, "Ekyo ku naakukibuurira, nkaaza eifo kuri," nimumanya ei omwanya gwabo guri aha kabungo kuriya, "eifo kuri omu nguuto, ninshabiriza eky'okurya."

Naagira nti, "Haakiri mbe eifo okwo ninshabiriza eky'okurya." Omuyudaaya na hati akiine emikono ye aha sente, nimumanya. Mwareeba? Mwareeba? "Haakiri . . ." Kandi eiziina rye omu zaabu, aha . . . Naagira nti, "Haakiri mbe eifo okwo, ndikurya zaabisikwiti z'omwonyo n'okunywa amaizi g'omu mifuregye, kwonka ndikumanya ngu ndi kurungi na Ruhanga, kandi ndi ow'amazima; okukira oku naakuba hanu n'eiziina ryangye aha kyombeko ekyo, omu nyuguta z'ezabu batyo, haza ndikumanya ngu ndi hare na Ruhanga. Ekyo ninkimanya." Taragarukire kumpurikiza bundi, n'ahabw'ekyo yaataahamu.

39 Kwonka nikyo ekyo. Torikubaasa kutema Ruhanga omu bicweka bibiri nari bishatu, ebirikwetwa "Isheboona, Omwana, n'Omwoyo Orikwnra, reero okakora Baaruhanga bashatu haza okabaha Omuyudaaya. Ekiragiyo Kye kyonyini kiri kiti, "Otarigira baaruhanga abandi, Nyowe ndiho. Niinye Mukama Ruhanga waawe." Yesu akagamba ki? Yesu ati, "'Hurira, Israeli! Niinye Mukama Ruhanga waawe, Ruhanga omwe.'" Ti bashatu; ekyo torikibaha na kakye. Ngaaha. Tihariho nabi origamba ahari Baaruhanga bashatu. Ngaaha. Tihariho. Ekyo torikihurira na kakye. Ngaaha, sebo. Obwo n'obupagaani kandi n'okutamanya Ruhanga nk'ei kyarugire. Eego, sebo.

40 Mwetegyereze. Kwonka baanabi aba baryaija. T'ekyo kyonka . . . Ba-baanabi, hati, n'Okushuuruurwa 11. Tugishomireho bimwe. Kandi niinyenda ngu mugishome mwaba nimwega aha ntambi z'amaraka n'ebindi nk'ebyo. Ni baanabi abahamiibwe buzima, n'akamanyiso ka baanabi. Obwo Israeli ekyo neeza kukihurira.

Hati, imwe, banywani bangye aba Jehovah Witness, mwetegyereze hati ngu aba, emitwaro ikumi na ina n'enkumi ina, tibaine kakwate n'Omugore. Tihariho kacweka na kamwe k'Ebyahandikirwe akarikukishemba ekyo. Ngaaha, sebo. Tibari Mugore. Ni Abayudaaya. Entoore ezeetsirwe omu bwire bw'emyaka eshatu n'ekicweka y'esaabiiti makumi mushanju za Danieli. Hati ekyo ni . . . Ni-ninguma eki ninkijuriza. Kitari namunonga ahariimwe mwena abari hanu, kureka, mwareeba, abantu, entambi z'amaraka ezi niziza buri hantu, nimureeba. Kandi ekyo nimukimanya. Nimumpurira ndikugaruka kujuriza. N'ahabw'ekigyendererwa ekyo.

41 Mwetegyereze. Hati mwareeba oku baabaire nibateekwa, kuhuma, nimureeba oku baabaire baine . . . Yesu, nari . . . Ruhanga akaba ashemereire kuhumya Abayudaaya, okutuma bataamanya Yesu. Kuri baamanyire, kuri baamanyire ngu ogwo . . . Nibareeba akamanyiso aku Yaakozire, kuri baabaire bari omu bunaku bwabo obuhikire, nk'oku baabaire bari enyima ahansi y'ekiragiyo obu Ruhanga yaabaragiira ekikwatiraine na nabi, kandi bakaba baareebire Yesu ekyo naakikora, bakaabaire baagizire bati, "Ogu niwe Mesia." Ahabw'enki kyabaire kity?

42 Abo omu busingye obwo, abu amaziina gaabo gaabaire gahandiikirwe omu Kitabo ky'Amagara ky'Omwna gw'Entaama, entumwa Ze n'abandi, bakakireeba kandi baakimanya. Ahabw'enki abandi batarakimanyire? Mwareeba, bakahumisibwa. Bakaba batarikubaasa kukireeba. Tibarikukireeba, na hati. Kandi tibarikireeba okuhitsya obu erizaarwa nk'eihanga, obwire bumwe. Ekyo . . . Ekigambo tikirikubaasa kuremwa. Mwijukye, Ekigambo tikirikubaasa kuremwa. Tindikufayo n'okukyamukirira kurikwingana ki oku oraatungye, na byona ebirikubaho, nabwo Ekigambo ekyo tikirikubaasa kuremwa. Nikiza kuba buzima nk'oku Ruhanga yaagambire ngu kikaba kiri. Mwareeba?

43 Hati, nitwetegyereza ngu ebintu ebi nibiteekwa kubaho. Kandi egyo niyo nshonga eyaatumire bataamanya Yesu obu Yaayeyorekyera kimwe We wenka ku ari Nabi. Nangwa n'Omusamariakazi omukye-omukye okuzire ayemereire okwo aha iziba. Yesu akaba atakazahoga omuri Samaria; Akafa kwinamuka, yaagira ngu Akaba aine ekyetengo kuza okwo, kandi Yaazayo. Kandi hakaba hariyo omukazi ogwo mukye. Kandi ogwo mukazi, omu mbeera ye, akaba ari omu mbeera nungiho okwakiira Engiri okukira abo banyamurwa abanyadiini n'ebindi by'ebiro ebyo. Ogwo omukazi akagyakiira. Buzima. Hati, mwareeba? Kwonka, omu kwanga kwabo kwona, baitu omuntu omwe waabo orikukizayo ekitiinisa akaikiriza ngu bakaba nibamanya ngu Akaba ari omwegyesa kuruga ahari Ruhanga.

44 Mbaire ningamba n'omwe ahari baadokita abarikukirayo oburungi abariho omu mahanga g'obukiizi bwa buryo, omu ofiisi ye, enshumi nkye ehweire. Omukugu omu by'obushaho murungi munonga omuri Louisville, omushaija emanzi ohikire. Kandi naamugambira, naagira nti, "Dokita, niinyenda kukubuuza ekibuuzo."

Yaagira ati, "Ni kirungi."

Naagira nti, "Nyetegyereize akamanyiso kaanyu k'eb'yobushaho, enkoni. Mwine enjoka ezingiriirwe aha kiti. Egyo neemanyisa ki?"

Yaagira ati, "Tindikumanya."

Kandi naagira nti, "Eriho ahabwa eki: ekaba eri akabonero k'okutamba kwa Ruhanga, ahi Musa yaateire ahaiguru enjoka y'omuringa omu ihamba, mwareeba, eyaabaire eri ekirikushushanisa kyonka, ekirikushushanisa kyonka kya Kristo ow'amazima." Hati, ebiro ebi, omubazi n'ekirikushushanisa ky'obutambi bwa Ruhanga. Kandi n'obu baangi omuribo batarikukiikiriza, baadokita barungi abahikire nibakiikiriza. Kwonka bamwe omuribo tibarikukiikiriza. Kwonka akamanyiso konyini aku baine nikajurira Amaani ga Ruhanga Ow'obushoboorozi bwona, yaaba barikwenda kukiikiriza nari batarikwenda. Mwareeba? Ekyo kihikire. Ngigyo enjoka y'omuringa erikureereetera aha kiti, aha kabonero k'eb'yobushaho.

45 Hati mwetegyereze Abayudaaya aba. Hati, ebikoko by'okuhuma bikaba biri aha maisho g'abantu aba. Bo, bakaba bataine eky'okukikorera; kikaba kiriho, kandi Ruhanga akakitaho. Kandi bikirihio okuhitsya aha busingye obu baraganisiibwe, baanabi aba abarikwija. Nimubaasa kutuma abamiishani, nimubaasa kukora kyona ekimurikwenda; Israeli terihindurwa okuhitsya obu baanabi aba baraareebekye, kandi ekyo kiriyabaho ahanyima y'Okutwarwa kw'Ekanisa y'Abanyamahanga. Nk'oku obusingye bw'enimi bwabaire butarikubaasa kwakiira kweta kw'entare, ahakuba Ruhanga agambire omu Kigambo Kye ngu Omwoyo gw'enimi gukarugayo. Kandi omu busigye bw'abahunduuzi, omuntu akarugayo. Mwareeba? Nimufa . . . Ekyo nikyo kintu kyonka imwe . . . eki barikubaasa kwakiira. Nikyo . . . Kandi, omunda okwo hati, bahumiisiibwe. Okwo nikwo kiiri.

Hati mwetegyereze. Kwonka obusingye nibwija obu Abanyamahanga baryaihwaho. Hariho omuti, kandi emizi ekaba eri ey'Ekiyudaaya, kandi gukatemwaho; reero Omunyamahanga yaabyarwamu, "omuzaabibu, ogw'omu ishwa," kandi nigwana ekijuma kyagwo. Hati, Omugore Omunyamahanga ogwo ku araatemweho, omuti Omugore ogwo ogu naagambireho, kandi akatwarwa omu Kubaho kwa Ruhanga; Ruhanga aryamaraho Abanyamahanga abo abatarikwikiriza, hanu aha rubaju (omwishiki oshugaine ogwejegyeire), kandi agarukye abyare. Akaragaanisa okukikora. Kandi okuhitsya obwire obwo, mushemereire kumanya ahu . . . Mwaba nimumanya ei murikuza, mpaho, ni kirungi. Mwaba mutarikuhamanya, ahabw'enki, nimuteera entsibo omu mwirima.

46 Hati, obwo nibwo Abayudaaya barihindurwa, omu busingye obwo. Hati, nk'obusingye bw'ekanisa, ahansi y'amaani g'okuraganisibwa okushukirweho, baryayakiira Kristo; kwonka, hati, ti obu Abanyamahanga bakirimu.

Hati nitubaasa kureeba omuringo gw'obutumwa obu baanabi aba babiri, ab'Okushuuruurwa eshuura ya 11, baribuurira. Hati nimubaasa kureeba butunu eki barikuza kukora. Ahakuba, abarihonokaho, nari emitwaro ikumi na ina n'enkumi ina, abaamanyirwe ira, barikutunga Akamanyiso ka Ruhanga.

47 Ka tushome. Hati muhurikize mufiireyo mbwenu. Hati niinyenda ngu mushome naanye, ku muraabe nimubaasa, 'habw'okuba ninza kugaruka kugamba ahari eki omu kaanya kakye. Eshuura ya 7, hati, eki kiri ahagati y'Akamanyiso ka Mukaaga n'Aka Mushanju.

. . . bwanyima y'ebyo-bwanyima y'ebyo (Obumanyiso obu) . . .

Akamanyiso ka Mukaaga kakashuuruurwa, kandi ako n'obunaku bw'Okubonabona. Mwena ekyo mwakyetegyereza hati? [Abateeraine baagira bat, "Amiina."] Akamanyiso ka Mukaaga kakashuuruurwa, reero Okubonabona kwatandika. Niki, ahanyima y'eki?

. . . bwanyima y'ebyo nkareeba baamaraika bana beemereire aha nshonda ina z'ensi, bakingiire emiyaga ena y'ensi, ngu hatagira omuyaga ogwahuuha aha nsi nari aha nyanja n'obu haakuba aha kiti kyona. (Baamaraika bana!)

Kandi naareeba maraika ondijo nainamuka naaruga oburugwa-izooba, aine akamanyiso ka Ruhanga ohuriire; yaayeta n'eiraka rihango baamaraika abo abana abaahairwe obushoboorozi kushiisha enyanja, ensi. . .

enyanja.

Naagira ati: Mutashiisha ensi, nari enyanja n'obu byakuba ebiti, okuhitsya obu turiheza kuta akamanyiso aha buso bw'abahuuku . . .

Tari Mugore. "Abaheereza." Ti baana. "Abaheereza." Abaisraeli batwire bari abaheereza ba Ruhanga. Ekanisa n'abaana, mwareeba, ahaw'b'obuzaarwa. Israeli n'omuheereza We. Mureebe, buri mwanya, nikwo bitwire. Abrahamu akaba ari omuheereza We. Tituri baheereza. Turi abaana, abatabani n'abahara. Yee.

. . . ba . . . ba Ruhanga waitu omu buso bwabo. Hati mureebe. . . . Ruhanga waitu omu buso bwabo.

Naahurira omubaro gw'abaatairweho akamanyiso: . . . Hati niinyenda ngu muhurikize mufiireyo aha kushomwa kwabyo. . . . gw'abaatairweho akamanyiso, ogwabaire guri akasiriira n'obukumi buna n'enkumi ina abaarugire omu nganda zonna ez'abaana ba Israeli.

48 Naabeeta amaziina omu muringo oguhikiire kimwe. Hati, ku haraabe hariho Omungyereza-Omunyaisraeli orikwetegyereza oshutami hanu, hurikiza oku eki kirikukigorora, mwareeba.

Ab'omu ruganda rwa Yuda abaatairweho akamanyiso bakaba bari kakumi n'enkumi ibiri. (Nibeetwa, "oruganda.") Ab'omu ruganda rwa Reubeeni kakumi n'enkumi ibiri. Ab'omu ruganda rwa Gaadi. . . kakumi n'enkumi ibiri. Mureebe enga-mureebe enganda zaanyu hati.

Kandi ab'omu ruganda rwa Asheeri kakumi n'enkumi ibiri, . . . oruganda rwa Nafutaali kakumi n'enkumi ibiri, . . . oruganda rwa-rwa Manaase . . . kakumi n'enkumi ibiri,

Kandi ab'omu ruganda rwa Simeoni . . . kakumi n'enkumi ibiri. Ab'omu ruganda rwa-rwa Leevi kakumi n'enkumi ibiri. Ab'omu ruganda rwa Isakaari . . . kakumi n'enkumi ibiri. (Isakaari, ninteebereza ekyo nimukyatura mutyo.) . . . kakumi n'enkumi ibiri.

. . . Ab'omu ruganda rwa Zebuluuni . . . kakumi n'enkumi ibiri, kandi ab'omu ruganda rwa Yosefu kakumi n'enkumi ibiri, ab'omuri boona a . . . n'ab'omu ruganda rwa Benyamiini abaatairweho akamanyiso nabo kakumi n'enkumi ibiri.

49 Hati, hariho enganda ikumi na ibiri, omutwaro gumwe n'enkumi ibiri kuruga omu ruganda rumwe. Ikumi na ibiri okuteezamu ikumi na ibiri . . . niki? [Abateeraine baagira bati, "Emitwaro ikumi na ina n'enkumi ina." -Omur.] Emitwaro ikumi na ina n'enkumi ina. Hati mureebe. Abo bakaba bari, boona, ab'enganda za Israeli. Hati mureebe, "Bwanyima y'eki . . ." Hati hanu haija ekibiina ekindi. Hati, Omugore yaagyenzire, ekyo nitukimanya. Kwonka mureebe ekibiina eki nikirugayo.

Bwanyima y'ebyo ku naimukize amaihoso, naareeba, omutwe muhango gw'abantu, ogu omuntu atarikubaasa kubara, abaarugire omu mahanga goona, . . . n'enganda zonna n'abantu boona n'endimi zonna, beemereire omu maisho g'ekitebe ky'obukama, n'omu maisho g'Omwana gw'entaama, bajwaire ebijwaro birikwera, baine amataagi g'enkindo omu ngaro zaabo;

Nibagamba n'eiraka rihango bati: Okujuna n'okwa Ruhanga waitu, oshutami aha kitebe ky'obukama, kandi n'Omwana gw'entaama.

Kandi amahanga goona . . . abaabaire beemereire, beehinguririize ekitebe ky'obukama, n'aha mukuru n'ebihangirwe ebiine amagara ebina, baagwa ahansi baajumara omu maisho g'ekitebe, baaramya Ruhanga,

Nibagira bati, Amiina: Ruhanga waitu aheebwe emigisha, . . . ekitiinisa, . . . obwengye, . . . okusiimwa, . . . okuhimbisibwa, . . . obushoboorozi, . . . amaani, ebiro n'ebiro. Amiina.

Kandi omwe aha bakuru abo . . . Hati ari omumaisho g'abakuru abo hanu. Nk'oku, tumureebire, obwire bwona kuraba omu Bumanyiso. Kandi omwe aha bakuru abo yambuuza, naagira ati, Aba ni baahi . . .

50 Hati, Yohaana, ahaw'b'okuba Omunyudaaya, akamanya abantu be. Akabareeba bari omu buteeka bw'enganda. Ekyo kihikire? Akabamanya kandi yaayeta buri ruganda. Kwonka hati, ku arikureeba aba, naaba nk'owaashoberwa. Kandi omukuru ogwo naakimanya, n'ahaw'b'ekyo naagira ati: . . . aba abjwaire ebijwaro birikwera ni baahi, kandi nibaruga hi? Yohaana, naagarukamu hati:

Naanye naagarukamu nti, Mukama wangye, niiwe orikumanya. Yohaana tarabamanyire, mwareeba; Ab'enganda zonna, n'endimi, n'eihanga. . . . yangira ati, Aba nibo yangira ati, Aba nibo baarugire omu kubonabona kwingi, (omu bindi bigambo, Okubonabona kwingi), bakoozya ebijwaro byabo, . . . omu shagama y'Omwana gw'entaama bikeera.

Nikyo bagumira omu maisho g'ekitebe kya Ruhanga eky'obukama, nibamuheereza omuri hekalu ye: nyomushana na nyekiro; kandi niba . . . Ogwo oshutami aha kitebe ky'obukama (aryatuura omuribo).

Tibarigira njara bundi, n'obu ryakuba eiraho; tibariitwa-tibariitwa mushana, n'obu kyakuba ekibabo kyagwo.

Ahabw'okuba Omwana gw'entaama ori aha kitebe ky'obukama (aryabariisa), aryabeebembera abahitsye aha nshuro z'amaizi g'amagara; kandi Ruhanga aryaragaza . . . amarira goona aha maisho gaabo.

51 Hati tubikuure a . . . tuhikye aha Kamanyiso. Mwayetegyereize, bakaba bari . . . Eky'okubanza, twatandika hati, Israeli. Kandi bwanyima nitureeba ekanisa egoy eshemeziibwe, atari Omugore; ekanisa egoy eshemeziibwe, ahabw'Okubonabona, mwareeba, mwareeba, neerugayo hanu, omubaro muhango gw'emita ehikire y'amazima eyaarugire omu-omu Kubonabona kwingi. Ti Kanisa; Yaagyenzire, Omugore. Ngigyo aho ekanisa.

Hati nitushanga, ahanyima kakye, Yesu akagira ngu Ekitebe ky'obukama kikaba nikiza kuteebwaho, kandi n'oku e . . . bakaba nibaza kucwerwa orubanja, buri omwe. Hati, nitushanga hati ngu abantu aba bakaba baatairweho Akamanyiso ka Ruhanga ohuriire (ekyo kihikire?) Abayudaaya aba.

Akamanyiso ka Ruhanga ohuriire niki? Hati, tindikweta ogwo weena, kuhutaaza ebiteekateeko byona. Ningamba kwonka, mwareeba. Nimumanya, ngu, bwanyima y'okushoma eby'abeegire baingi abahandiika ahari eki, nibagira ngu ekibiina eki hanu, ekyogiibwe n'eshagama, ngu buzima kwo n'Omugore? Mubaire nimumanya ngu abeegire baingi nabwo nibagira ngu abo emitwaro ikumi na ina n'enkumi ina nibo Omugore? Niki e . . . hariho ekintu kishemereire kutaaha gye hanu, kigwire . . . munda hanu kurungi, 'habw'okuba hariho ekintu kigwire.

52 Mwetegyereze, ab'eishe-emwe Abaadiventni nibagira, ngu, "Akamanyiso ka Ruhanga, n'okweza ekiro kya sabato." Ekyo nimukimanya. Kwonka niinyenda akacweka kamwe k'Ebyahandiikirwe aharikyo, okworeka ngu sabato, nari okweza ekiro kya sabato, niko Kamanyiso ka Ruhanga. Mwareeba? N'omuntu owaagunzire ekyo kiteekateeko. Kwonka ku oraashome ABAefeso 4:30, nihagira hati, "Kandi mutarigwisa kubi Omwoyo Orikwera wa Ruhanga, owaabateereirweho kuba akamanyiso okuhitsya iwe . . . aha kiro ky'okucungurirwaho kwawe," eego, sebo,

omurimo gw'obuteerani ku guraamare kuhwa kandi mwaija; Kristo naija kucungura Abe. Nooteebwaho akamanyiso; ti okuhitsya aha kusisiimuka okuraakurateho. Waaheza kuteebwaho akamanyiso k'Omwoyo Orikwera, ogwo n'omurimo oguhweire ku Ruhanga akwakiriire kandi tihariho okukyehuzya. Noogira oti, "Mpaho, nkaba nyine Omwoyo Orikwera, kwonka akandugaho." Ngaaha, oka-okaba Otamwine. Ruhanga akagira ngu Omwoyo Orikwera Naagumizamu okuhika aha Kiro ky'Okucungurirwaho. Hati, uh-huh, muteere empaka Nawe, kandi mureebe eki kirikumanyisa. "Okuhitsya aha Kiro ky'Okucungurirwaho."

53 Mwetegyereze. Nk'oku haabaire hariyo . . . Nk'oku baabaire bari abaatsigaireho kurugiirira aha kutoorana, Abayudaaya aba hati nibo abaatsigaireho okurugiirira aha kutoorana. Omu biro by'obuheereza bw'okubanza bwa Eliya aha Bayudaaya, ahu abaikiriza enkumi mushanju baarinziwe n'omukono gwa Ruhanga, hati hariho omu bwire obu obw'abaatsigaireho abarikuhika omu bwire bwabo, kuba emitwaro ikumi na ina n'enkumi ina okurugiirira aha kutooranwa. Ekyo, Obutumwa omu bwire obwo, okwikiriza Obutumwa obwo, baryaba emitwaro ikumi na ina n'enkumi ina.

Hati, noogira oti, "Oo, hati rindaho edakiika yonka, ow'eishe-emwe, tindikumanya ekikwatsire aha kintu eki "okutooranwa." Mpaho, tinkakishomahoga aho." Ni kirungi, hati ka tureebe ku kiraabe kihikire, nari kitahikire. Ka tushuuruure enyima omuri Matayo, reero tuhikye haifo hanu haza tureebe ku turaabe turikubaasa kuzoora ekintu kikye ahari eki ahantu. Niinyikiriza hati ngu mpikire. Tinkihandiikire hanu, kureka kyanyija omu biteekateeko. Reka tukwate, aha kuhereeruka, omushororongo gwa 30; ahu tugiire ekiro ekihweire, okumariirira kw'Akamanyiso ka Mukaaga, aha mushororongo gwa 30.

54 Hati ekyo reka tukishome haza tureebe hati ahu turaahikye, omushororongo gwa 31. Mwareeba? "Baryareeba Omwana w'omuntu naizira omu kitinisa." Hati omushororongo gwa 31.

Aryatuma baamaraiaka be n'eiraka rihango ry'enzamba, bateerane entoore ze nibazitaaruura omu mbaju ina okuruga aha muheru gw'eiguru okuhika aha gundi.

55 "Entoore" ziryarugayo. Ekyo niki? Reero obunaku bw'Okubonabona. Ruhanga ogwo aryayeta entoore Ze, kandi abo n'Abayudaaya omu bunaku obwo, entoore. Baiburi n'ekigambaho. Paulo naakigambaho ati, "Kurugiirira aha kutooranwa." Haryabayao emitwaro ikumi na ina n'enkumi ina kurugiirira aha kutooranwa, abaryaikiriza Obutumwa, kuruga omuri zaamirioni eziribayo.

Hakaba hariyo zaamirioni omuri Palesitaini, omu biro by'obunabi bwa Eliya, kandi enkumi mushanju bakajunwa kuruga omuri zaamirioni. Hati, "kurugiirira aha kutooranwa." Ahi zaamirioni z'Abayudaaya nizeeteeranira omu ihanga ryabo. Ebaire eihanga. Haryabayao zaamirioni okwo, kwonka emitwaro ikumi na ina n'enkumi ina "abatoorainwe" bonka nibo baryaihwamu. Baryahurira Obutumwa.

56 Ekintu nikyo kimwe ekiri omu Kanisa y'Abanyamahanga. Hariho Omugore, kandi Atoorainwe. "Kandi aryayetwa kurugiirira aha kutooranwa." Mwetegyereze, ebi byona nibishushanisa Ekanisa, kurungi munonga, abaikiriza abatoorainwe. Abandi tibarikwikiriza. Noobaasa kukimanya. Gambira omuntu Amazima, haza orekye gahamibwe n'Ekgambo, reeru goorekw; naagira ati, "Tindikugaikiriza."

Noobaasa . . . Otagaruka kuzaana nakyo. Yesu akagira ngu tutakikora. Akagira ati, "Ni nk'okutambikira empunu eruuru." Mwareeba? Akagira ati, "Mubarekye. Baryahinduka babaribatiirire. Baryabashekyerera.

Mubarugyeho kandi mubarekye. "Empumi ku eyebembera empumi . . ."

57 Nkaza ow'omuntu, enshumi nkye ehweire; akija ahariinye, nimmanyisa. Akaba atwire naahakana, hoonahoona, buri hantu, aha kutamba kwa Ruhanga. Kandi yaija, reero yaagira ati, "Tindikwikiriza okutamba kwa Ruhanga kwawe."

Naagira nti, "Okwangye, ninteebereza, tikukaagira karungi koona, 'habw'okuba tinyine na kumwe." Kandi ya . . . naagira nti, "Kwonka okwa Ruhanga kuhikire."

Yaagira ati, "Tihariho ekintu nk'ekyo."

Naagira nti, "Ekyo okyerereirwe munonga kukigamba, munywani. Yee, ote-otegyereize omwanya muraingwa kukora ekyo. Okaabaire waateire empaka, emyaka mikye ehwiringire, kwonka hati hariho obundi busingye. Hariho zaamirioni ez'okuha obujurizi, mwareeba." Naagira nti, "Okye-okyerereirwe munonga hati, munywani, kugamba ekyo."

Yaagira ati, yaagira ati, "Mpaho, tindikukiikiriza; tindikufayo eki oraakore."

Naagira nti, "Buzima tokaabaasa. Torikubaasa." Mwareeba?

Yaagira ati, "Mpumya!" Yaagira ati, "Ku oraabe buzima oine Omwoyo Orikwera, nka Paulo," yaagira ati, "mpumya."

Naagira nti, "Nimbaasa kukikora nta obwo oshangirwe ori empumi." Naagira nti, "Sho akuhumize okutareeba Amazima." Naagira nti, "Iwe, na hati ori empumi."

Kandi yaagira ati, "Tinkaikiriza; tindikufayo eki waakubaasa kukora, obujurizi oburikwingana ki obu orikubaasa kuhamya, nari ekintu kyona nk'ekyo. Nabwo tinkaakiikiriza."

Naagira nti, "Hataraho kubagaanisa. Tikuri okw'abatarikwikiriza. N'okw'abaikiriza bonka. Nikyo ekyo." Mwareeba?

58 Kikaba kiri ki? Mwareeba, nookimanyiraho obwo, ngu okutooranwa tikuri okwe. Otakizaanisa, na kakye. Yesu akakora ekintu nikyo kimwe, Akagira ati, "Mubarekye bonka. Empumi ku eyebembera empumi, zonna tizirkugwa omu kiina?" Kwonka ku Yaahikire ahari maraaya omukye, [Ow'eishe-emwe Branham yaateera eshabari rimwe - Omur.] kikakwata omuriro! Kikaba kiri ki? Ekaba eri embibo eyaatoorainwe eri aho, mwareeba, Eyaakireebire.

Ku Kyahikire ahari Petero, hakaba hariho embibo eyaatoorainwe eri aho, mwareeba, kandi Bakakireeba. "Kandi boona abu Tata yampaire, yampaire," (obunaku obuhingwire) "Yampaire, baryaija. Baryaija Ahariinye." Oo, mugyenzi! Ekyo ninkikunda. Eego, sebo. Mwetegyereze, abaikiriza Nibakiikiriza. Abatarikwikiriza tibarikubaasa Kukiikiriza. N'ahabw'ekyo, hati, omuntu weena ku araayende kuteera empaka aha ruzaaro rw'enjoka n'ebindi, kandi waagyezaho kubooreka, tibarikwija Kukihurikiza; oyegyendere kwonka. Barekye. Mwareeba, Ruhanga tateera mpaka, n'obu baakuba abaana Be.

59 Mwetegyereze, Abayudaaya emitwaro ikumi na ina n'enkumi ina entoore za Ruhanga tizirkwinamira enyamaishwa, enkora z'ebigombe bye, nari ebishushani ebirikuramibwa nari ekintu kyona, n'obu eihanga ryabo riri omu ndagaano nayo omu bwire obwo. Israeli eri omu ndagaano, kwonka hanu hariho emitwaro ikumi na ina n'enkumi ina abatarikuza kukikora. Abo n'entoore.

Ekintu nikyo kimwe ekiri hanu honyini omu Kanisa y'Abanyamahanga hati, n'ekibiina ky'entoore. Torikubaasa kubataasya omu kintu ky'omuringo ogwo. Tibakiikiriza. Ngaaha, sebo. Omushana rimwe ku gwabaakiire, ekyo kikamara obwire obwo. Nibareeba e . . . bakireeba nikibaho, bwanyima bakireeba nikyorekwa kandi nikihamibwa batyo. Kandi nibareeba hanu omu Baiburi, bareeba Ekigambo ekyo nikigumizamu. Mpaho, nonoobaasa nabwo kureka kweshemahaza nabo, 'habw'okuba Nibakiikiriza. Nikyo ekyo. Nikyo ekyo. N'obu batarikubaasa Kukishoboorora, kwonka nibamanya ngu Bakiine. N'ahabw'ekyo, nk'oku ndikugamba, hariho ebintu bingi ebi ntarikubaasa kushoboorora, kwonka ni-nimmanyia ngu bihikire oku biri kwona. Ahaa.

60 Ni kirungi. Obwire obu bukaba buri ahagati y'Akamanyiso ka Mukaaga n'Aka Mushanju, obu arikweta abantu aba, abu Yesu yaagambireho omuri Matayo eshuura ya 24 n'omushororongo gwa 31, ogu twaheza kushoma, mwareeba. Enzamba hanu, abo bajurizi babiri b'o . . . Enzamba ku erigamba, n'enzamba y'abajurizi babiri ab'obusingye bw'embabazi bw'Abayudaaya. Okugamba kw'enzamba emwe, nimwetegyereza, okugamba kw'enzamba emwe. Akagira ati, "Kandi akateera enzamba." Hati mwetegyereze hanu, ogwa 31.

Aryatuma baamaraika be (tari omwe, mwareeba; ni babiri) n'eiraka rihango ry'enzamba, . . . Ekyo niki? Ruhanga ku ayeteekateeka kugamba, hariho eiraka ry'enzamba. Eryo niryo Eiraka Rye burijo. Neeyeta kuza aha rugamba, mwareeba. Ruhanga agamba. Baamaraika aba baryarugayo n'okugamba kw'enzamba. Kandi nimureeba, aha Butumwa bw'amaraika ow'aha muheru, enzamba neegamba. Obutumwa bwa maraika ow'okubanza, enzamba ekagamba; obwa maraika wa kabiri, enzamba ekagamba, obu Yaabutuma.

61 Mwetegyereze, kwonka Obumanyiso ku bwarangiriirwe, bukaba bwona buri omu kintu kimwe kikuru,

ky'Obwaruhanga, okweta ekibiina ky'abantu; hakagamba enzamba emwe, reero Obumanyiso Mushanju bwabambuurwa.

Mwetegyereze, "Bateerane entoore Ze Abayudaaya kuruga omu mbaju ina z'eiguru." Akagamba aha Bumanyiso mukaaga, nk'oku tureebire, kwonka atari Akamanyiso ka Mushanju. Takagambahoga ekintu kyona omunda hanu ekikwatsire aha Kamanyiso ka Mushanju, tihariho. Mwareeba, ahonaaho, omushororongo gwa 32, naahinduka agambira omu nfumu, z'obwire bw'okwetwa kw'Abayudaaya entoore.

62 Hati mureebe hanu, mwaareeba. "Kandi Aryatuma baamaraiaka n'enzamba, kandi bateerane entoore nibazitaaruura okuruga omu mbaju ina z'eiguru." Hati naatandika . . . Mwareeba, Tarikugamba ekintu kyona aha Kamanyiso ka Mushanju hanu. Mwareeba? Akagamba aha Kamanyiso ka Mukaaga; ak'Okubanza, aka Kabiri, aka Kashatu, aka Kana, aka Kataano, n'aka Mukaaga. Kwonka mwetegyereze:

N'ahabw'ekyo mwegyere aha (muti gw'o) mutiini nk'eky'okureeberaho; amataagi gaagwo ku ryoroba, ryatooka amababi, mumanya ku (ekyanda kiri) haihi:

Mutyo naimwe, ku murireeba ebyo byona, mumanya ku ari haihi, ku yaahikire n'aha rwigi.

63 Eky'aha muheru ekyo, ekibuzo ekyo eki baamubuurize bati, "Kandi akamanyiso k'obunaku obu ensi erihweraho karyaba kaahi?" "Ku murireeba Abayudaaya aba . . . Ku murireeba ebintu ebi ebindi nibibaho, mumanya ebirikubaho. Hati, ku murireeba Abayudaaya aba . . ." Naagambira Abayudaaya!

Hati mureebe. Ni kibiina ki eki Arikugambira, Abanyamahanga? Abayudaaya! Abayudaaya! Mwareeba? Hati Akagira ati, "Muryayangwa amahanga goona ahabw' Eiziina Ryangye," n'ebindi, bityo. Hati, "Ku," Akagira ati, "murireeba Abayudaaya aba baatandika kutooka nibataho amababi gaabo kuriya," Israeli egyo ku eraatandikye kuhinduka, kugaruka omu ihanga ryayo. Ku eraahikyeyo, (Ekanisa neeba eri haihi Okutwarwa), hariho emyaka eshatu n'ekicweka yonka etsigaire okuhitsya aha mperu y'ensi eya ira, reero etaahé omu katabanguko, kandi hataahemu Okutegyeka kwa Kristo kw'Emyaka Rukumi, omu nsi ensya-ensya. Yaagira ati, "Yaahikire n'aha rwigi!"

64 Hati, emyaka rukumi omu nsi n'ekiro kimwe kyonka ahari Ruhanga. Kandi emyaka eshatu n'ekicweka, ekaingana ki? Zaasekenda nyangi, omu bwire bwa Ruhanga. Egyo niyo nshonga eyaatumire Yaagira ati, "Kyahikire aha rwigi." Buzimazima nimbagambira nti: Obusingye obu tiburimarwaho, tiburiihwaho, abantu aba, okuhitsya obu ebi byona biri . . . Niki, niki ekitariihwaho? Bagyerizeho kwita Omuyudaaya, okumumariraho kimwe omu nsi, obwire bwona. Tibaribaasa kukikora na kakye.

Kwonka mwetegyereze. Obusingye bwonyini bw'Abayudaaya obwareebire okugaruka, kugaruka omuri Palesitaini, obusingye obwo bukaba nibuza kureeba ebintu ebi nibibaho. Kandi emyaka ebiri ehangwire yonka, ekaba eihanga riijwire, riine esente zaaryo ahabwaryo n'ebindi byona. Ngigyo aho.

65 Mbwenu turi nkahi, munywani? Obumanyiso na buri kintu nibushuururwa; hati eki nitukitunga ahagati hanu. Nkikyo aho. Nimureeba ahi tushutami? [Abateeraine baagira bati, "Amiina." -Omur.] Nyine amatsiko ngu mwakikwata. Tinyine bwegyese bwona. Nimmanya eki ndikugambaho, kwonka shana tindikubaasa kushoboorora-Kukishoboorora, kikabagirira amakuru. Kwonka nyine amatsiko ngu Ruhanga naaza kutwara Ebigambo ebishobenkaine, kandi abishoboorore gye, mwareeba, kandi atume mwamanya eki kiri. Habw'okuba, kiri ngu, twahikire aha rwigi. Turi hanu omu bwire.

Hati mwetegyereze. Mwareeba, ahonaaho hati, Naahindukira Abayudaaya aba, kandi omu-omu bwire bw'aha muheru. Naagamba ekirikuza kubaho. Ekyo nangwa hati nitukimanya . . . Nitumanya, nitukimanya kurungi, ngu enganda zitaataine. Nikwo zitwire, okumara emyaka enkumi ibiri na magana ataano. Zikaragurwaho okutaataanira omu mbaju ina z'ensi. Ekyo mubaire nimukimanya? Ekyo nitukimanya. N'ekya buzima, titurikwija kugaruka enyima n'okukwata, kwhayo ekyo, 'habw'okuba nyine ekintu hanu eky'omugasho buzima eki ndikwenda ngu mureebe, mutakaruhire munonga, naanye nkaruha.

66 Mwetegyereze. Nitumanya, nangwa na buri ruganda, ekyo n'oburugo bw'enganda, nari kyona eki murikwenda kukyeeta, nari ebya "geology," nari emyanya y'enganda, tizikibaga hamwe. Zitaataine, hoonahoona. Abayudaaya, nibateeranira omuri Yarusaalemu, tikiri . . . Tibarikumanya nangwa n'enganda zaabo. Tibakigira ebendera z'enganda nari ekintu kyona. Eki barikumanya kyonka, obwo, ngu n'Abayudaaya. Bakaragurwaho kuba omuringo ogwo, omu nsi yoona.

Hati, ebitabo byabo bikahwerekyerezibwa. Tibarikumanya. Noogira oti, "Nooruga omu ruganda ki?"

Ati, "Tindikumanya."

Oti, "Ruganda ki?"

Ati, "Tindikumanya." Omwe kuruga omuri Benyamini, omwe kuruga omuri oru, n'ondi kuruga omuri ruri. Tibarikumanya i barikuruga. Ebitabo byabo bikahwerekyerezibwa, omu ntaro, kandi n'okumara emyaka enkumi ibiri na magana ataano. Ekintu kyonka eki barikumanya, n'Abayudaaya. Nikyo ekyo. N'ahabw'ekyo, nibamanya ngu bagarukire omu nsi yaabo. Niba . . .

Mwetegyereze, n'obu batarikumanya enganda zaabo, kwonka Ruhanga naazimanya. Ekyo ninkikunda! Niumanya, nangwa Akagamba ngu hariho . . . “Buri kashokye k'aha mutwe gwawe kabazirwe.” Hum! Mwetegyereze, We taburwaho n'omwe. “Ndyagaruka mbazoore aha kiro ky'aha mperu.”

N'obu baaburize zaabendera z'enganda zaabo-zaabo-zaabo, kandi n'ogu n'oha, na yaaba bari ogu nari oriya; tibarikumanya yaaba nibaruga omuri Benyamiini, nari yaaba nibaruga omuri Reubeni, nari-nari Isakaari, nari oru barikurugamu. Kwonka, oku biri kwona, Ruhanga hanu naabeeta.

67 Hati mwetegyereze, omu kitabo ky'Okushuururuwa 7, nitushoma eki. “Omutwaro n'enkumi ibiri” aba buri ruganda, rw'abatoorainwe, okuruga omuri abo boona. Hariho omutwaro n'enkumi ibiri okuruga omuri buri ruganda, abatoorainwe, kandi batairwe hanu omu buteeka. Oo, mugyenzi! Ni baahi? Bari omu buteeka bw'enganda. Kwonka kandi, tikwo bari hati, kureka nikwo bariba. Bari omu buteeka bw'enganda. Ni baahi abariba omu buteeka bw'enganda? Ti Muyudaaya w'obutoosha, ngaaha. Kwonka abo abatoorainwe, emitwaro ikumi na ina n'enkumi ina, baryateebwa omu buteeka bw'enganda. Oo, mugyenzi! Ka naakwenzire kubooreka! Titurikuza kukitaahamu. Kwonka ekyo buzima nikyo Ekanisa erikuteekwa kuba, uh-huh, omu buteeka bwonyini.

68 Hati niinyenda ngu mureebe mufireyo buzima kandi mushome naanye, ahabw'edakiika. Hati hanu hariho ekintu eki obundi mutakeetegyerezaga omu kwe-kwetwa kw'enganda. Naabagambiire, akaanya kakye akaahingura, okushoma ekitabo ky'Okushuururuwa 7. Mushome naanye, haza mureebe enganda ezo. Omu kitabo ky'Okushuururuwa 7, Daani na Efuraimu tibarimu kandi tibabazirwe nabo. Ekyo mukyetegyereize? Yosefu na Levi bakateebwa omu mwanya gwabo. Ekyo mukyetegyereize? Daani na Efuraimu tibarimu. Ngaaha, sebo. Kwonka, Yosefu na Levi bakateebwa omu mwanya gwa-gwa-gwa Daani na Efuraimu. Ahabw'enki? Bo . . . Ruhaga otuura najuka ajjuka buri kuragaanisa kw'Ekigambo Kye. Oo, nkaayenzire okubuirira ahari ekyo. Mwareeba? Ruhanga tayebwa kintu kyona, n'obu kirikureebeka orikushusha oti ayebwa.

Nk'oku Yaagambiire Musa. Israeli ekaba etwire eifo okwo, “emyaka magana ana.” Bakaba nibateekwa kugyenda obwire obwo. Akagambira Abrahamu ngu, “Kandi oruzaaro rwe nirwija kushuhuukira omu nsi endijo kumara emyaka magana ana, bwanyima Akaba naaza kubaihayo n'omukono gw'amaani.” Kwonka bwanyima Akagambira Musa ati, “Najuka okuragaanisa Kwangye, mbwenu Naija kuhikiiriza eki Naagambire.” Ruhanga tayebwa. Tayebwa emikyeeno Ye, n'obu kwakuba okwebwa emigisha Ye. Kwonka, buri kuragaanisa oku Yaaragaaniise, Akuhikiiriza.

Egi niyo nshonga eyaatumire zaaburamu,

69 hati, ku muraayetegyereze. Hati mushome. Niinyenda ngu mushome naanye hati. Muze omu kitabo Eky'ebiragiro, omushororongo gwa makumi abiri- . . . ogwa 29 aho, nari, eshuura ya 29, nimmanyisa. Hariho enhshonga erikutuma enganda ezi zitaabamu. Buri kintu kiriho ahabw'enshonga. Eky'ebiragiro, nitwenda kutwara e-eshuura ya 29 y'ekitabo Eky'ebiragiro. Hati, Mukama atuyambe munonga, kugira ngu tubaase kwetegyereza hati. Hati nitwenda kutandikira omu kitabo Eky'Ebriagiro, eshuura ya 29, aha mushororongo gwa 16. Hati muhrikize. Musa naagamba.

(Niumanya oku twatwire omu nsi ya Misri; kandi n'oku twarabire omu mahanga agu mwarabiremu;

Kandi mukareeba ebirikunugwa byabo, n'ebishushani byabo ebirikuramibwa, eby'ebiti, . . . amabaare, efeeza . . . ezaabu, ebyabaire biri omuribo:) Buri omwe akeekorera ekintu kikye nari ekindi, ekishushani kikye ekirikuramibwa kya Cecilia Orikwera. Niumanya, ekintu nk'ekyo, mwareeba.

“N'ahabw'ekyo mutaka . . .” Muhurikize.

Mwerinde, omuriimwe hatarigira omushaija, . . . omukazi, nari omuryango, nari oruganda, ou omutima gwe gwateishuka (eriizooba) gukaruga ahari MUKAMA Ruhanga (waitu) waanyu, akaza kuheereza baaruhanga ab'ago mahanga; kandi hatarigira omuriimwe owaamerwamu omuzi ogurikwana ebyana ebirikushaarira nk'omuravunga;

(Kandi kikabaho), akihurira ebigambo by'endagaano egi, ake-akeehimbisa omu mutima gwe, naagira ati: Ti . . . tiinyine ku ndiba, n'obu ndigumizamu n'obugangaazi bw'omutima gwangye, . . .

70 Mwareeba, abantu bagira bat, “Oo, naayeha omugisha.” Niumanya, akora omusharaba mukye nari ekintu ekindi, nk'oku barikukora hati, nimureeba; ekintu nikyo kimwe, mwareeba. Kandi nimureeba ku n'oburanga bw'abatamanya Ruhanga, mwareeba, a-abatamanya Ruhanga.

. . . akeehimbisa omu mutima gwe, . . . omu mutima gwe omu biteekateeko bye, (kwongyera esindo aha iriho).

“Fa kunywa, ekyo tikirikuretaho entaanisa; waaba oza aha kanisa, ori kurungi.”

Obwo omuntu ogwo MUKAMA tarimusaasira, kureka ekiniga kya MUKAMA . . . eihato rye biryamwakaho nk'omuriro omuri obwo bunaku, (kandi) n'emikyeeno yoona ehandiikirwe omuri eki kitabo (“Mutakiewaho Ekigambo na kimwe, nari Okukyongyeraho,” mwareeba.) emubeho, kandi MUKAMA aryamaraho ei . . . aryamaraho eiziina rye ryebe ahansi y'eiguru.

Obwo n'obu ari hanu omu nsi, mwareeba, “ahansi y'eiguru.”

MUKAMA aryamutoorana omu nganda za Israeli zonna abe engwerwa-kagwe, nk'omukyeeno yoona ey'omu ndagaano ehandiikirwe omu kitabo eki eky'ebiragiro oku eri:

71 N'ahabw'ekyo, "Omuntu weena ku ariheereza ekishushani ekirikuramibwa, nari akeebikira ekishushani ekirikuramibwa, nari akeehimbisa omu biteekateeko bye, kandi akaheereza ebishushani ebirikuramibwa," Ruhanga akagira ati, "omushaija, omukazi, eka, nari oruganda, eiziina rye riryamarirwaho kimwe, riihwe omu bantu. Hati, ekyo kihikire? [Abateeraine bat, "Amiina." -Omur.] Ka kihikire!

Okuramya ebishushani kukakora ekintu nikyo kimwe omu kanisa, emyaka mingi egingwire, kandi n'eriizooba nikukikikora. Kandi niinyetegyereza . . . Mureebe oku antikristo yaagyerizeho kutaho y'okuhakanisa. Ni bangahi abarikumanya ngu Sitaane naashushanisa kandi naatooreza aba-abarikwera ba Ruhanga?

Eki-ekibi niki? N'ekintu ekihikire kyakiikamisibwa. Ekishuba niki? N'amazima agashobooroirwe kubi. Obushambani niki? N'ekikorwa ekihikire, ekikorwa ekiri omu biragiro, kyakorwa omu buryo bubi. Mwareeba?

72 Hati, omu kugyezaho kukora eki, "okumaraho eiziina," mwetegyereize omu busingye bw'ekanisa, enyamaishwa niyo emwe erikuheereza ebishushani ebirikuramibwa eby'abaafiire, n'ebindi bityo, ekagyeyaho kumaraho Eiziina rya Mukama Yesu Kristo, n'okuha ebitiinisa nka Isheboona, Omwana, n'Omwoyo Orikwera. Ekintu nikyo kimwe, n'omukyeeno ogwo enyima yaayo, batyo.

Daani na Efuraimu bakakora ekyo, ahansi y'oburyarya bw'omugabe omuri Israeli, endimanganyi, Yeroboamu. Hati, mwetegyereze, omu kitabo ky'Abagabe eky'Okubanza eshuura ya 12. Nimmanya turi . . . Eki, ahariinye, ni-ni-nikitaho omusingye aha bi turikubaasa kuhamiraho, ebiturikureeba. Ekitabo ky'Abagabe eky'Okubanza, niinyenda kuza omu shuura ya 12, omushororongo gwa 25 okuhitsya aha gwa 30.

Bwanyima Yeroboamu . . . Shekemu omu nsi y'ebibungo bya Efuraimu, yaatuurayo; ku haahingwireho ebiro, yaafurukayo, yaataaha, . . . yaazingura Penueli.

Bwanyima hati Yeroboamu yaagira omu . . . omu-omu mutima gwe ati: (mwareeba, obugangaazi bw'omutima gwe), Nimmanya ngu hati obugabe nibwija kugaruka omu nju ya Daudi:

Akaba atandikire kutiina, nimureeba, 'habw'okuba abantu nibabaasa kushohora bagyende.

abantu aba ku baraagume nibainamuka . . . Yerusaalemu kutambirayo ebitambo omu nju ya MUKAMA, emitima yaabo eryagarukira mukama waabo, Rehoboamu omugabe wa Yuda, baanyite, bagarukire . . . Rehoboamu-Rehoboamu omugabe wa Yuda.

Atyo omugabe yaagira enaama y'okukora ebishushani bibiri by'enyana omu zaabu. Yaagira abantu ati: Nikijja kubarusya okuguma nimwinamuka Yerusaalemu. Imwe Baisraeli 'mwe, nimureeba baaruhangbaaanyu abaabaihire . . . omu nsi ya Misri.

Ekimwe yaakita omuri Beseeli n'ekindi yaakita Daani.

Ekyo eki yaakozire kyaba ekibi; ahakuba abantu bakaba baza kuramya eky'omuri Beseeli, n'ekindi bakishanga omuri Daani.

73 Mwareeba, Efuraimu ahari Beseeli, na Daani, reero baataho ebishuushani ebirikuramibwa. Kandi aba bakashohora baaza kuramya eki.

Kandi turi hanu, okugumirizamu kimwe kutaaha omu busingye bw'Okutegyeka kwa Kristo kw'Emyaka Rukumi, haihi, baitu nabwo Ruhanga naakijuka ekibi ekyo. Nangwa tibarikubarirwamu. Iwe nanka! Ekitiinisa! [Ow'eishe-emwe Branham yaateera omu ngaro ze rimwe -Omur.] Nk'oku buzima Aijuka buri kuragaanisa kurungi, Aijuka buri kuragaanisa kubi kwona, nakwo. Mwijukye, ku . . .

Egyo niyo nshonga erikutuma naikiriza, banywani, burijjo ngyerizeho kuguma n'Ekgambo ekyo, n'obu Kyakureebeka kitari ky'obutoosha kita.

Mureebe, hati, tibaakubaire nibateekateeka ahari ekyo obwire obwo. Tibarakiteekateekireho obwire obwo. Bakateekateeka bat, "Mpaho, titwakifubirirwa." Ni kirungi.

Kwonka mbaba hanu ahanyima hanu omu busingye obu obw'Okutegyeka kwa Kristo kw'Emyaka Rukumi burikutaahamu, obu amaziina gaabo n'enganda "garikusangurwa" kurugamu, ahabw'okuba bakaheereza okuramya ebishushani, ebi Ruhanga yaakyenire.

Taragizire ngu "Akanga" Abanikolaiti na Yezebeeli ogwo? Mukyetantare. Taragizire ngu Aryaitsa bahara ba Yezebeeli "rufu," ekiri okutaana Okutahwaho kuruga omu Kubaho Kwe? Mutakyesiga, na kakye. Mukirugyeho. N'ahabw'ekyo, Ruhanga naijuka.

74 Mwetegyereze.

Kwonka mwayetegyereize aho, gabaire gari "ag'okusangurwamu?" Ahabw'enki? Ahansi y'Eiguru hakaba

hatariho Ekitambo ky'ahonaaho ekyakubaasize kumuha Omwoyo Orikwnera, okumureetera kureeba ebintu ebi. Kwonka akakikora, okubiri kwona, omu kweyendeza kw'ebiteekateeako bye. Kwonka, Ezekieli, omu kworekwa kwe, omu Kutegyeka kwa Kristo kw'Emyaka Rukumi, naagaruka abareeba omu buteeka obuhikire. Ezekieli, ku muraabe nimwenda kukishoma. Mukihandiikye kwonka, kandi nimubaasa kukishoma, okutamara bwire. Ezekieli 48:1 okuhitsya ahari 7, nabwo mushome ogwa 23 okuhitsya 29. Ezekieli akareeba buri ruganda ruri omu buteeka buzima.

75 Ni kirungi.cKandi, nabwo, omu kitabo ky'Okushuururwa 14, Yohaana akagaruka yaabareeba omu buteeka bw'enganda, ekyo kihikire, buri ruganda omu mwanya gwarwo. N'enki ekyabaireho? Nimwijuka, Akagira ati, "Ahansi y'eiguru, ngu eiziina rye rikaba niriza kumarirwaho kimwe omu bikwatiraine n'enganda." Obwire bwona obu yaabaire ari ahansi y'eiguru, taakaagarukire kubaho. Kandi egi mitwaro ikumi na ina n'enkumi ina eri ahaifo hanu omu kicweka ky'enganda, na hati. Kihikire. Kwonka, nimureeba, bakaba bahumiisiibwe. Bakaba baine ebitambo by'enimi n'embuzi byonka.

Hati mwetegyereze, Akabamariraho kimwe, "ahansi y'eiguru."cKwonka Abanyamahanga, omu biro by'Omwoyo Orikwnera, okuhakanisa Ekyo; eiziina ryawe rikaihirwa kimwe omu Kitabo ky'Amagara, "kandi okaba otarikubaasa kusaasirwa, omu nsi egi nari ensi erikwija." Ekyo kihikire? N'ahabw'ekyo aho niho twemereire.cIsraeli, ahansi y'embuzi, n'entama, bakaba-bakaba baine omwanya. Obwire bwona obu baabaire bari omu nsi hanu, enganda zaabo zikaba zitarimu. Bakaba batarikubaasa kubarirwamu.

76 Hati boona . . . Ku Yaabeetsire, seeri okwo, egoy mitwaro ikumi na ina n'enkumi ina, bakaba batarimu. Ekyo kihikire. Nangwa tibabariirwemu okwo. Kandi Yosefu na Leevi batairwe omu mwanya gwa Daani na Efuraimu. Hati ekyo nimubaasa kukireeba. Nikyo ekyo aho, omumaisho gaanyu, mwareeba. Kandi nkuku hanu okuragaanisa kwa Ruhanga, enyima okwo hare, emyaka amagana n'amagana ekyo kitakabaireho. [Ow'eishe-emwe Branham yaakongoota aha kituuti emirundi mingi -Omur.]

Hati, n'enki ekyabaireho? Bakashemezibwa omu bwire bubi bw'Okubonabona. Hati, Ruhanga ku araabe naaza kushemeza ogwo-ogwo mwishiki oshugaine, owaabaire ari omukazi murungi, kwonka yaaremwa kuta amajuta omu taara ye, mbwenu Naaza kumushemeza okuraba omu kuhiiqwa okwo. Enganda ezo naazitamu gye omwo, ahabw'ekintu nikyo kimwe, kandi azishemeze omu bwire bw'Okubonabona. Ahabw'okuba, n'oku-n'okushemezibwa. N'orurbanja. Kwonka, nimureeba, bo, ahanyima . . .

77 Kandi, mureebe hanu, mbaba baija emitwaro ikumi na ina n'enkumi ina, ahanyima y'okusshemezibwa kwa Israeli. Kandi ngugu yaija nawe omwishiki ogwejegyeire oshugaine, yaija, ashemeziibwe, kandi ajwaire ebijwaro ebirikwera. Mwareeba? Ka kihikire! Ekyo ka ni kirungi!

Nka Yakobo, omu bwire bw'emirabanamu, mwareeba. Bo . . . Yakobo, omu bunaku bw'emirabanamu. Akaba ashobize. Kwonka akaraba omu bwire bw'okusshemezibwa ahabw'okuba akaba ashobeize mukuru we, Esau. Mwareeba? Akabeisha, okwenda kutunga obuhunguzi bw'omujigaijo bwe. Kwonka akaraba omu kusshemezibwa eiziina rye ritakahindwirwe kuruga omu kuba Yakobo rikaba Israeli, ekirikushushanisa obuteeka bwa Ruhanga, bushushaniisiibwe ebiro ebi.

78 Hati, nituza kubiikuura hati aha mushororongo gwa 8 gwa . . . nari omushororongo gwa 1, nimmanyisa, ogw'eshuura ya 8, y'Okushuururwa 8:1. Nimmanyia ngu muruhire. Kwonka, hati, mugyezeho kuhurikiza ahabw'edakiika nkye hati. Kandi Ruhanga ow'omu Iguru atuhwere, nikwo kushaba kwangye.

Tushemereire kwijuka ngu aka Kamanyiso ka Mushanju niko muheru gw'obwire, gw'ebintu byona. Ekyo kihikire. Ebintu ebihandiikirwe omu Kitabo by'Obumanyiso Mushanju, kikomirwe, puraani y'obucunguzi omusingye gw'ensi gutakatairweho, buri kacweka nikahwa. Niko muheru; niko muheru gw'ensi erikurabanamu. Niko muheru gw'ebi'obuhangwa ebirikurabanamu. Niko muheru gwa buri kintu. Munda okwo, niko muheru gw'Enzamba. Niko muheru gw'Enyabya. Niko muheru gw'ensi. Niko . . . Niko nangwa n'omuheru gw'obwire. Obwire nibuhwaho. Baiburi nikwo yaagambire.

Matayo, eshuura ya 7 . . . nimmanyisa, Okushuururwa, eshuura ya 7 . . . eshuura ya 10 kandi na . . . n'omushororongo gwa 1 okuhitsya aha gwa 7. Obwire nibuhwaho. Maraika akagira ati, "Obwire tiburigaruka kubaho," obu ekyo, omu biro by'ekintu eki kikuru kirikubaho. Buri kintu nikihwaho, omu bwire obu, omuheru gwa-gwa . . . aha muheru gw'Akamanyiso ka Mushanju aka.

79 Mwetegyereze. N'omuheru gw'obusingye bw'ekanisa. N'o-omuheru gw'Akamanyiso ka Mushanju. Niko muheru gw'Enzamba. Niko muheru gw'Enyabya, kandi nangwa omuheru gw'okutaahamu kw'Okutegyeka kwa Kristo kw'Emyaka Rukumi. Ebi biri omu Kamanyiso ka Mushanju.

Ni nk'okutsindika ekijungirizi omu mwanya. Kandi ekijungirizi ekyo kibarukire hanu, reero kigurukye kize ahaiguru kandi kigarukye kibarukye. Nikirugwamu enyonyoozi itaano. Kandi emwe aha nyonyoozi ezo neebarka kandi erugwamu enyonyoozi itaano; reero emwe aha nyonyoozi ezo neebarka kandi erugwamu enyonyoozi itaano. Mwareeba, nikigumizamu kihwerera. Ekyo ni, eki, Akamanyiso ka Mushanju. Nikamarira kimwe obwire bw'ensi. Nikamariira obwire ahari eki. Nikamariira obwire ahari kiri. Nikamariira obwire ahari eki. Nikamariira obwire. Buri kintu kikamarira omu Kamanyiso ka Mushanju ako.

80 Hati, Naaza kukikora ata? Ekyo nikyo tutarikumanya. Tikwo kiri? Titurikumanya. Nangwa n'obwire bw'ebantu ebi byona, kandi n'okutaahamu kw'Okutegyeka kwa Kristo kw'Emyaka Rukumi. Mwetegyereze, okubambuurwa kw'Akamanyiso aka kukaba kuri kukuru munonga, okuhitsya obu, Eiguru ryacecekire ahabwako, "omu kaceceko, okumara ekicweka ky'eshaaha." Hati, ni Kakuru! Ako ni ki? Eiguru, rikaceceka. Tihariho ekintu ekyayehigire, kumara ekicweka ky'eshaaha.

Hati, ekicweka ky'eshaaha nikibaasa kutaba kiraingwa waaba oshemereirwe. Kwonka, omu kushobangirirwa ahagati y'okufa n'Amagara, kikareebeka nk'emyaka rukumi. Kakaba kari kakuru munonga! Yesu Tarakagambireho. Tihariho n'omwe omu baatsigara. Yohaana akaba atarikubaasa n'Okukahandiikaho. Ngaaha, akazibirwa kuhandiika hanu. [Ow'eishe-emwe yaateerateera ahari Baiburi ye emirundi ebiri-Omur.] Mwareeba, hariho nka . . . nka . . . Tarakahandiikire, kwonka aka n'akaceceko.

81 Kandi abakuru makumi abiri na bana abaabaire beemerera omumaisho ga Ruhanga, Aho, nibateera enanga zaabo; bakarekyera aho kuteera enanga zaabo. Baamaraiaka bakareka okweshongora kwabo, omu Iguru. Muteekateekye! Baakerubi abarikwera na Baaserafi, abu Isaaya Yaareebire omuri hekalu, baine emigogo mukaaga . . . nimmanyisa emigogo eshatu y'amapapa. Eshatu . . . Abiri aha maisho ge, n'abiri aha bigyere bye, kandi naaguruka. Kandi ekiro n'omushana, Bari omumaisho ga Ruhanga, nibeeshongora bat, "Orikwera, orikwera, orikwera, Mukama Ruhanga Ow'obushoboorozi bwona!" Kandi nangwa ku baataahiremu, nari kutaaha omu hekalu, emisingye y'ebiti bya hekalu ekatengyetsibwa, n'okubaho kwa-kwabo. Kandi Baaserafi abarikwera aba bakahunama. Baamaraiaka bakareka kweshongora. Ahaa. Hyu! Nibaguruka omu maisho ga Ruhanga, nibeeshongora bat, "Orikwera, orikwera, orikwera," Bakahunama.

Tihaabaho Baamaraiaka abarikweshongora. Tihaabaho okuhimbisa. Tihaabaho-tihaabaho saaviisi y'ahari rutaari. Tihaabaho, kintu kyona. Hakabaho akaceceko; kuhunama, akaceceko konyini omu Iguru, okumara ekicweka ky'eshaaha. Eihe ry'omu Iguru ryona rikaceceka kumara ekicweka ky'eshaaha egi, obu enaama y'Akamanyiso ka Mushanju aka ak'omu Kitabo ky'Obucunguzi kaabambuurwa. Mukiteekateekyeho. Kwonka, Kabambwirwe. Omwana gw'Entaama Naakabambuu. Nimumanya ki? Kakabakangaranisa, niinyikiriza. Tibaramanyire; Nkako aho! Bikarekyera aho. Ahabw'enki? Ekyo n'enki?

82 Hati, tihariho n'omwe omuriitwe orikumanya. Kwonka, na-naaza kubagambira, omu ku-kushuuruurirwa kwangye kw'Ako Kamanyiso. Kandi, hati, tinkira kurengyesereza omu kwikiriza. Ku ndaabe ndi nt yo, tindikukimanya, mwareeba. Ndi . . . tintwarwatwarwa n'ebyo ebirimu okwekyeeka n'okwetomboita munonga hamwe n'ebantu by'okuteebereza. Ngambire ebantu bimwe, ebirkubaasa kuba bibaire nk'ebitari bya burijo aha bantu bamwe. Kwonka Ruhanga ku aija aho, enyima Yaakyo, kandi Akakihamya reero akagira ngu Nigo Mazima, obwo ekyo n'Ekgambo kya Ruhanga. Mwareeba? Nikibaasa kureebeka kitari ekya burijo, omu buryo obwo. Mwareeba?

Kandi hati, buzima nk'oku nyemereire omu kituuti omwebazyo ogu, ntungire okushuuruurirwa okushuurvirwe. Kuri omu muringo gw'enyabushatu. Ebi ndikuza kubagambira, ahabw'okuhwerwa Ruhanga, kumwe ahari okwo Okwenyabushatu. Kandi bwanyima nimu . . . Ka tubanze, ekyo tukirabemu. Okushuuruurirwa nkuku hanu, okutandika eki ndikwenda kubagambira, eki Kiri. Ekirikubaho, kiri ngu . . . Ebirikuhinda Mushanju ebyo ebi yaahuriire nibihinda, kandi akazibirwa kubihandiika; ekyo nikyo egyo naama eri, eri enyima y'Ebirikuhinda Mushanju ebyo ebirikuhinda bikurataine. [Ow'eish-emwe Branham yaakongoota aha kituuti emirundi mingi -Omur.]

83 Hati, ahabw'enki? Reka tukihamye. Ahabw'enki? N'enaama ei omuntu weena atarikumanya. Yohaana akazibirwa Okugihandiikaho, nangwa-nangwa n'okuhandiika akabonero Akagineho akakwate. Ahabw'enki? Egi niyo nshonga eyaatumire hataabaho ekiriku-ekirikukorwa omu Iguru; kikaabaasa kwata enaama. Hati mwakireeba? [Abateeraine baagira bat, "Amiina." -Omur.] Ku Karaabe kari kakuru munonga, Nikateekwa kubarirwamu, ahabw'okuba Nikateekwa kubaho. Kwonka Ebirikuhinda Mushanju ku . . .

Hati mwetegyereze. Baamaraiaka mushanju ku baarugireyo kuteera Enzamba zaabo, hakabaho okuhinda kumwe. [Ow'eish-emwe Branham yaakongoota aha kituuti rimwe -Omur.] Israeli obu yaateeranira hamwe, enzamba ekateerwa. "Obu hataribaho kutuuraho bundi," enzamba y'aha muheru, okuhinda kumwe. Kwonka hanu hariho Ebirikuhinda Mushanju jubajuba, bikurataine kimwe ahanyima y'ekindi: kimwe, bibiri, bishatu, bina, bitaano, mukaaga, mushanju, egyo namba ehikire. Ebirikuhinda Mushanju bikurataine omurunyiriri, bikagamba ti . . . nibikora haihi-kimwe, bibiri, bishatu, bina, bitaano, mukaaga, mushanju, jubajuba. [Ow'eishe-emwe Branham yaakongoota aha kituuti emirundi mushanju -Omur.] Bwanyima, Ekyo Eiguru rikaba ritarikubaasa kukihandiika. Eiguru tiririkubaasa Kukimanya, tihariho kintu kyona ekindi, ahabw'okuba tihariho ekintu kyona ekirikweyongyerayo. Bukaba buri obwire bw'okuhuumuraho. Kikaba kiri kikuru munonga, okuhitsya obu, Kyasherekirwe Baamaraiaka.

Mbwenu, ahabw'enki? Sitaane ku Yaakukitunga, naabaasa kushiisha munonga. Hariho ekintu kimwe eki atarikumanya. Hati, naabaasa kushoboorora ekintu kyona eki arikwenda, kandi n'okutooreza buri muringo gw'ekiconco, (nyine amatsiko ngu muriyo nimwega), kwonka Eki tarikubaasa kukimanya. Nangwa tikihandiikirwe n'omu Kigambo. N'enaama ejewire. Baamaraiaka, buri kintu, kikahunama. Ku bakwehigaho rimwe, kikaabaasa kushohoza enaama, n'ahabw'ekyo bakahunama, baareka kuteera enanga. Buri kintu kikarekyeraho.

84 Mushanju, enamba ya Ruhanga ehikire. Mushanju, [Ow'eishe-emwe Branham yaakongoota aha kituuti emirundi mushanju -Omur.] bikurataine omu mushorongo. Ebirikuhinda Mushanju bikagambira hamwe jubajuba, orikushusha oti bikaba nibigaiturura ekintu nanka. Mwetegyereze, omu bwire obwo, Yohaana akatandika Kukahandiika. Yaagira ati, "Otakahandiika." Yesu Tarakagambireho. Yohaana akaba atarikubaasa Kukahandiika. Baamaraika tihariho ki Barikukamanya.

Ekyo niki? N'ekintu eki, Yesu yaagizire ati, "Na Baamaraika b'omu Iguru bakaba Batarikukamanya" ekintu kyona. Mwareeba? Mwareeba? Akaba Atarikukamanya We wenka. Akagira ati, "Ruhanga Wenka" niwe Orikamanya. Kwonka Akatugambira, ku "turitandika kureeba obumanyiso obu nibureebeka." Hati haine ahu mwahika? [Abateeraine bat, "Amiina."-Omur.] Ni kirungi. Mwetegyereze, "nitutandika kureeba obumanyiso obu niburugayo nibureebeka." Mwareeba? Sitaane ku yaakubaasa Kukatunga . . .

85 Ku oraabe nooyenda ngu ekintu kibeho . . . hati nimuza kwikiriza ebi ndikugamba ahari eki. Ku ndaabe ninteera puraani kukora ekintu, nyine obwengye oburikugasha okutakigambiraho muntu weena. Tikugira ngu omuntu ogwo akaakigamba, kureka Sitaane naija kukihurira. Mwareeba? Tarikubaasa kukiiha, omu mutima gwangye okwo, Ruhanga ku araabe akishembire n'Omwoyo Orikwera, n'ahabw'ekyo ekyo kiri ahagati yangye na Ruhanga. Mwareeba? Tihaine ekintu kyona eki arikimanyaho okuhitsya obu oraakigambe, reero akihurire.

Kandi ngyerizeho . . . ngambira abantu ngu niinyija kukora ekintu nanka na nanka, kandi ndeeba Sitaane naazibira buri ntambo ei arikubaasa, okukintangaho, mwareeba, okukintangaho. Kwonka ku ndaatungye okushuuruurirwa kuruga ahari Ruhanga, kandi ntakigambeho kintu kyona, obwo kihindukireho.

Mwijukye, Sitaane naija kugyezaho kutooreza. Aryagyezaho kutooreza buri kintu eki Ekanisa erikora. Akagyezaho kukikora. Nitukyetegyereza, kurabira omuri antikristo. Kwonka eki n'ekintu kimwe eki atarikubaasa kutooreza. Tiharibaho abarikutooreza ahari eki, mwareeba, 'habw'okuba Tarikukamanya. Tarikubaasa Kukamanya na kakye. N'Okukurura kwa Kashatu. Tarikukamanya kintu kyona. Mwareeba? Tarikukeetegyereza.

86 Kwonka harimu enaama Omwo! [Ow'eishe-emwe Branham yaakongoota aha kituuti rimwe -Omur.] Ruhanga aheebwe ekitiinisa ahaiguru omu Iguru! Tindigaruka kuteekateeka nk'oku ntwire nintekateeka, ebiro by'amagara gangye byona, ku ndeebire.

Hati, tindikumanya eki . . . nimmanya entambo erikukurataho, kwonka tindikumanya niki, ekyo okukishoboorora. Tikirikwija kumara obwire burasingwa. Mpandiikire ahaifo hanu, obu kibaireho, ku mwakubaasa kureeba hanu, "Rekyera aho. Oteeyongyerayo kurenga ahari eki hanu honyini."

Tintwarwatwarwa okurengyesereza omu kwikiriza. Ningamba Amazima gonka. Kwonka nimwijuka kari kakaito kakye, aku naabaire burijio ngyezaho kushoboorora oku ngu omutima gukaba guri ahari nanka na nanka, kandi n'eiraka ry'omunda, kandi n'ebintu byona by'omuringo ogwo? Eki, kikareetaho ekibiina kihango ky'abarikutooreza kutandikaho. Oku bashemereire kukwata omukono, n'okukwata abantu, kandi n'okugira okutetema? Buri muntu akaba aine okutetema omu mikono yaabo. Kwonka nimwijuka, ku Yantware ahaiguru okwo, kandi Akagira ati, "Oku ni kwa Kukurura kwa Kashatu, kandi tihariho n'omwe Orikumanya." Ekyo nimukijuka? [Abateeraine baagira bat, "Amiina."-Omur.] Okworekwa tikuremwa kuhikiirira. N'Amazima gahikiire kimwe.

87 Hati mwetegyereze. Nimwijuka okworekwa kw'ekibiina kya Baamaraika? Charlie, ni . . . Nkiki hanu. Hariho ekirikugyenda omumaisho, naabagambiire, esaabiiti egi, nti mu . . . Kitwire kiri haihi naimwe, kwonka niinyebuuza ku muraabe mukyetegyereize. Nimwijuka ekibiina, ky'okworekwa kwa Baamaraika, obu nduga hanu kuza Arizona? [Abateeraine baagira bat, "Amiina."-Omur.] Nimwijuka "Ni Bwire Ki, Baasebo?" [Bati, "Amiina."-Omur.] Ekyo nimukijuka?

Mwetegyereze, hakaba hariho okubaruka kw'amaani kumwe kwonka kw'okuhinda, reero Baamaraika mushanju baareebeka. Ekyo kihikire? ["Amiina."] Okubaruka kumwe kw'okuhinda, Baamaraika mushanju baareebeka. Bwanyima naareeba Omwana gw'Entaama naabambuura akamanyiso k'okubanza, naahurira ekihangirwe kimwe ahari ebyo ebiine amagara ebina nikigamba n'eiraka nk'ery'okuhinda kw'enkuba, kit: Ija (oreebe)! Mwetegyereze, okuhinda kumwe, Obutumwa Mushanju obutwire bukomirwe n'akamanyiso kandi tiburikubaasa kushuuruurwa okuhitsya omu biro by'aha muheru, by'obusingye obu. Nimureeba eki ndikumanya? [Abateeraine baagira bat, "Amiina."-Omur.]

88 Hati, mwetegyereze ekicweka ky'omubonano ky'esaabiiti egi? Ekyo nikyo Kiri. Okwo nikwo kitwire kiri. Ti muntu, o-omuntu. Babaire bari Baamaraika ba Mukama. Mwetegyereze. Hariho abajurizi, bashatu, abashutami hanu, abu esaabiiti echingwire, kakyeo enyima y'esaabiiti echingwire, nkaba ndi eruguru, enyima hare omu nshozi, haihi na Mexico, n'ab'eishe-emwe babiri abashutami hanu. Nkaba niinyehaho obukurura, nari enyabarashana, aha kuguru kw'empare yangye ndaingwa; reero habaho okubaruka, oku haihi, k watetemeise enshozi kukazigwisa ahansi. Hati, ekyo kihikire. Tindagambiire ab'eishe-emwe bagyenzi bangye, kwonka bakeetegyereza omutaano. Kandi Akangambira ati, "Hati yetekateekye. Za burugwa-izooba."

Okushoboorora kw'okworekwa okwo nkuku. "Mwareeba? Hati, kwenda ngu mukimanyi, Ow'eishe-emwe Sothmann tatungire enyamaishwa ei abaire agiire kuhiiga. Tubaire nitugyezaho kugimusherurira. Kandi Yaagira

ati, "Hati, omwebazyo ogu, nk'akamanyiso ahariiwe, tarikuza kugibona. Nooteekwa kweyeza omu bwire obu ababw'okutaayaayirwa kwa Baamaraika aba." Kandi nkahurira naaruga omu buteeka, nimwijuka. Kandi nkaba ndi burengyerwa-izooba. Baamaraika bakaba nibaija burugwa-izooba. Kandi ku Baahikire aho, nkaterurwa hamwe Nabo, (ekyo nimukijuka?) kuruga burugwa-izooba. [Abateeraine baagira bati, "Amiina."-Omur.]

89 Kandi Ow'eishe-emwe Fred, ori hanu omwebazyo ogu, n'omujurizi, n'Ow'eishe-emwe Norman. Ku twabaire nitushuumu, haihi nkaikiririsa omushaija ogwo kutsigara reero atungye enyamaishwa ye. Ekyo kihikire, Ow'eishe-emwe Sothmann? [Ow'eishe-emwe Fred Sothman ati, "Amiina."-Omur.] Yee, aho, ayemereire aho honyini. Nkamwikiririsa; kwonka, nabwo, Yaagira ati, "Tarikwija kukikora." Tindagambire kintu kyona; nkagumizamu. Ekintu, nshutami aha rubaju rw'ehema, ekiro eki . . . Noijuka, Ow'eishe-emwe Sothmann. Kandi naanye, ahonaaho ebantu bimwe ku byabaire nibigambwa, ngu mbate iwe n'Ow'eishe-emwe Norman . . . Ow'eishe-emwe Norman ari nkahi? Enyima okwo. Nkabarahiza, ngu batarigamba ekyabaire nikibaho. Ekyo kihikire? [Ab'eishe-emwe baagira bati, "Amiina. Ago nigo mazima."-Omur.] Nkahinduka kandi naaruga aha eihema eryo, batyo? Ekyo kihikire? ["Ekyo kihikire."] Ahabw'okuba, eki nikyo kyabaire kiri, buzima kwo eki kyabaire kiri, kandi ndikumanya ngu nkaba ntarikubaasa kukigamba okuhitsya obu kyabaireho, kureeba yaaba abantu baabaire nibaza kukyetyegyereza.

90 Kandi mwetegyereize? "Maraika omwe ogwo," nkagira nti, "omunda omwo, hakaba harimu Maraika otari wa burijo." Akandeebekyera kuba ow'omutaano munonga okukira abandi Abo boona. Ekyo nimukijuka? [Abateeraine bati, "Amiina."] Bakaba bari omu kibiina; bashatu aha rubaju rumwe, kandi n'omwe aha mutwe. Kandi ogwo ompikire haihi munonga hanu, waabara okuruga bumosho kuza buryo, akaabaire ari Maraika owa mushanju. Akaba naakiraho okumurinkana, akambeera ow'omutaano munonga okukira abandi Abo. Nimwijuka? Nkagira nti, "Akaba atunukire ekifuba batyo, kandi akaba naaguruka naatoora burugwa-izooba" (nimwijuka) "batyo." Nkagira nti, "Kikanterura; kyanyimutsya ahaiguru." Ekyo nimukijuka? ["Amiina."]

91 Ngugu hanu, ogwo oine Akamanyiso ka Mushanju, ekintu eki nyebuurizeho obwire bw'amagara gangye goona. Amiina! Obumanyiso obundi obwo bukamanyisa kihango ahariinye, n'ekya buzima, kwonka, oo, timurikumanya eki Aka kamanyiise, omurundi gumwe omu magara gangye! [Ow'eishe-emwe Branham yaakongoota aha kituuti emirundi mingi -Omur.] Nkashaba, naatakira Ruhanga. Nka-nka-nka . . . Ahanyima y'oruteerane orwo orwa Phoenix . . . Omuntu weena, owaabaire ariyo hamwe naanye, naamanya. Nkaraara omu nshozi. Akasheeshe kamwe, nkaimuka kandi naaza eruguru omu Nengo ya Sabino, enshozi ezo z'amaani, zisinikire amaino, ndaingwa. Kandi nkanyegyeryo okwo. Kandi hariyo ekirari kikye ky'ebigyere, waaheza kutsiga omuhanda, ogurikunyegyera kuza omu Rushozi rwa Lemmon, orugyendo rwa mairo makumi ashatu, haihi nka fuuti makumi ashatu, z'orubaare eruguru okwo.

92 N'ahabw'ekyo, eruguru omu rushozi, kare munonga eizooba ritakajwire, niinyegyera kuraba omu kirari eki kikye eky'ebigyere, omu nkiri z'enkurungu. Nkeehuriramu nyebembeirwe okuhindukira oku. Kandi nkahinduka, kandi naanyegyera kuza omu nkiri z'amaani zimwe, ezishongoize, oo, mugyenzi, amagana n'amagana ga fuuti okuza ahaiguru. Kandi nkafukama ahansi ahagati y'enkir ezo. Naata ahansi Baiburi egi, kandi naata ahansi ekitabo eki . . . akabaaho kakye aka. [Ow'eishe-emwe Branham yaayoreka Baiburi ye n'akabaaho -Omur.] Naagira nti, "Mukama Ruhanga, okworekwa oku nikumanyisa ki? Ndi-ndi-ndi . . ." Naagira nti, "Mukama, ni . . . Nikumanyisa okufa kwangye?" Nimwijuka, nkabagambira nti, "Nkateekateeka ngu nikibaasa kumanyisa okufa kwangye, 'habw'okuba ekintu kikabaruka okuhitsya obu kyantiiniise munonga." Nimukijuka. Nibangahi abarikukimanya, abaakihuriireho? [Abateeraine baagira bati, "Amiina."-Omur.] Ahabw'enki, buzima, mwareeba, mwena. Kandi nkateekateeka ngu kikaabaasa kumanyisa okufa kwangye.

Kandi bwanyima omu kishengye, nkagira nti, "Kikaba . . . Kikaba-kikaba-kikaba kiri ki, Mukama. Ni-nkimanyisa ki? Nikimanyisa ngu ninza kufa? Ku kiraabe nikwo kiri, ni kirungi, tindikwija kugambira eka yangye. Reka nyegyendere, mwareeba, omurimo gwangye ku guraabe guhweire." Kandi naagira . . . Hati, kikaba kiri ki? Kwonka Akagarura obujurizi, nimwijuka ndikubagambira, ngu kikaba kitari ekyo. Kukaba kuri okwewayongyerayo kw'omurimo gwangye.

93 Oo, oo, oo! Mwakyetyegyereza? [Abateeraine bati, "Amiina."-Omur.] Mwareeba? Kandi nshutami eruguru omu Nengo ya Sabino . . . Tata ow'omu Iguru eki naakimanya. Buzima nk'oku murikureeba ekyo kirikubaho, Baamaraika abo bakaija baashuumira kimwe kandi baahamya buri Butumwa ku ni bumwe. Obwo, nimumanya bwaba niburuga ahari Ruhanga, nari ngaaha. Bukaragurwaho ahariimwe, omu kworekwa. Nkaba ntarikubaasa kubagambira okuhitsya aha muheru gwa zaasaaviisi ezi, 'habw'okuba nkazibirwa kubagambira.

Om Nengo ya Sabino, nshutami eruguru okwo akasheeshe ako, nkaba nyimukize emikono ahaiguru. Kandi ebyangye . . . Omuyaga gukaba gunagire ahansi enkofiira yangye ekuzire erikwiragura. Ku . . . Nkaba nyemereire aho, nyimukize emikono ahaiguru, ninshaba. Naagira nti, "Mukama Ruhanga, eki nikimanyisa ki? Tindikubaasa kukyetyegyereza, Mukama. Nkore ki? Ku buraabe buri obwire bwangye bw'okutaaha, ka nyegyere eruguru hanu, ei batarimbona. Tindikwenda omuntu weena kuba naatonzya hanu, ku ndaabe ningyenda. Ni-niinyenda ngu eka yangye eteekateekye ngu nkaza omu rugyendo. Kandi ei batarimbona. Gira ahu wanshereka. Ku ndaabe ninza kugyenda, ahabw'enki, reka ngyende. Shana Yosefu aryazoora Baiburi yangye erambikire hanu, ekiro kimwe, kandi reka Agikorese. Mwareeba, ku ndaabe ningyenda, reka ngyende, Mukama."

94 Kandi nkaba nyimukize emikono yangye. Kandi, ahonaaho, ekintu kyagwa omu ngaro zangye. Tindikumanya. Tinkaabagambira. Nkagwejegyera? Tindikumanya. Nkaba ndi nk'ori omu turo? Tindikumanya. Kukaba kuri okworekwa? Tinkaabaasa kubagambira. Ekintu kyonka eki ndikubaasa kugamba n'eki ndi . . . Ekintu nikyo kimwe nka Baamaraiaka abo oku baabaire bari! Kandi kikagwa omu ngaro zangye. Kandi nkareeba, kandi ekaba eri rurara. Kandi ekaba eine ekirindi ky'omuhendo mwingi, kiboneire munonga; kandi kikaba kiine ahaiguru yaakyo eky'okurinda engaro okutatirimuka zikasharwa obwogi, ky'ezaabu. Kandi ekyogi kya rurara egoy kikaba nikireebeka nk'ekintu ekiri nk'ekyoma ekigumire kirikwengyengyeta, nk'efeeza, kureka kikaba nikyengyengyeta munonga. Kandi ekaba ekazire munonga nk'obwogi bw'egirita, oo, mugyenzi! Kandi nkateekateeka nti, "Ekyo t'ekintu ekirikukirayo kubonera!" Yaahika gye omu ngaro zangye! Nkateekateeka nti, "Eboneyire munonga. Kwonka nti," naagira nti, "iwe, burijjo ntuura nintiina ebintu ebyo, rurara." Naateekateeka nti, "Ndyagikoresa ki?"

Kandi omu kaanya ako Eiraka ryashuma kurabira aho, eryatetemeise enkiri. Ryagira riti, "Ni Rurara y'ogwo Mugabe!" Reero naakurugamu. "Rurara y'ogwo Mugabe." Hati, kuri Ryagizire riti, "Rurara y'omugabe . . ." Kwonka Rikagira riti, "Rurara y'ogwo Mugabe." Kandi hariho omwe wenka "ogwo Mugabe," kandi ogwo ni Ruhanga. Kandi Aine Rurara emwe, ekyo n'Ekigambo Kye, ekimbaisizeho. Ekyo, mpwera Mukama, Ruhanga; nyemereire enyima y'emeeza Ye erikwera hanu, n'Ekigambo eki ekirikwera kiri hanu! N'Ekigambo! Amiina!

95 Oo, ka n'ekiro kikuru eki tutwiremu! Ka n'ekintu kikuru! Mwareeba egoy naama n'omubonano? Ekyo kashatu . . . Nyemereire aho obu eki kyandugaho, Ekintu kikaija ahariinye kandi kyagira kiti, "Otatiina." Hati, tindahuriire eiraka ryona. Nk'omunda yangye hakagira, ekyagamba. Nintekwa kubagambira amazima, buzima kwo ekyabaireho. Ekintu kikateera, kandi kyagira kiti, "Otatiina. Eki ni kwa Kukurura kwa Kashatu."

Okukurura kwa Kashatu! Nimukijuka? [Abateeraine bat, "Amiina." -Omur.] Akagira ati, "Ogizire abarikutooreza baingi munonga ahari eki, eki waagyerezeho kushoboorora. Kwonka," ati, "Eki nangwa otakigyezaho." Nimukijuka? Nibangahi abarikwijuka okworekwa okwo? ["Amiina."] Ahabw'enki, kuri hoona. Kukwatsirwe aha ntambi z'amaraka, na buri hantu. Ekyo kimazire nk'emyaka mukaaga ehwiringe, emyaka mushanju ehwiringe. Kimazire emyaka mushanju ehwiringe. Yaagira ati, "Ekyo otagyezaho Kukishoboorora." Yaagira ati, "Oku n'Okukurura kwa Kashatu, kwonka nimwo ndikwija kukubugana." Ekyo kihikire? ["Amiina."] Yaagira ati, "Otagyezaho . . ."

96 Nkaba nyemereire nyine aka-akakaito kakye k'omwerere obu Yangambira. Yaagira ati, "Hati tandika Okukurura kwave kw'Okubanza. Kandi ku oraakikore, eky'enyanja nikija kwirukira kukwata omududu gw'aha irobo." Yaagira ati, "Bwanyima oreebe Okukurura kwave kwa Kabiri," yaagira ati, "ahabw'okuba nikija kuba eky'enyanja kikye kyonka." Yaagira ati, "Bwanyima Okukurura kwa Kashatu kuryakikwata."

Kandi abo baheereza boona bakanyehinguririza, baagira bat, "Ow'eishe-mwe Branham, nitumanya ngu noobaasa kukikora! Haleluya! Ow'eishe-mwe Branham!" Aho niho burijjo mboherwa, n'ekibiina ky'ababuurizi. Mwareeba? Ninkunda abantu. Nibenda ngu oshoboorore buri kintu, eki, kiri.

97 Kandi naagira nti, "Mpaho, uh, uh, uh," naagira nti, "tindikumanya." Naagira nti, "Naamanya kushoha. Mbwenu," naagira nti, "hati, ekintu eki orikubanza kukora . . . Ogu nigwo muringo ogu kirikukorwamu. Nooreeba eby'enyanja byona aha hoona; oshemereire kujabura omududu gw'aha irobo." Mpaho, obwo nibwo bukoryo bw'okushoha buzima. N'ahabw'ekyo naagira nti, "Jabura omududu gw'aha irobo. Hati, nimureeba, ku naajabwire omududu gw'aha irobo, omurundi gw'okubanza, hati eky'enyanja kyairuka kyagukurata." Kwonka bukaba buri obw'enyanja buto. Kandi obwo ni nk'obu baabaire nibakwata. N'ahabw'ekyo na-naagira nti, "Bwanyima nimwi-nimwija kuta . . ." Kandi nkagujaburayo naaguta aha nkungu. Kandi naakwata eky'enyanja, kwonka kikareebeka nk'oruhu aha mududu gwa aha irobo, kikaba kiri. . . kakaba kari kakye munonga. Kandi bwanyima nkaba nyemereire aho, reero Ekintu kyagira kiti, "Naakugambiire ngu ekyo otakikora." Naatandika okurira.

Omugoye gw'okushohesa gwona gukaba gunyeshobenkeineho, nka bat. Kandi nkaba nyi . . . nkaba nyemereire aho, nindira, nyinikire omutwe gwangye nka batyo. Naagira nti, "Ruhanga! Oo, na . . . Nsaasira! Ndindi omuntu omushema! Mukama, otakora . . . Nsaasira." Kandi nka-nkaba nyine ogu mugoye gw'okushohesa. Kandi ekyo, eki naabaire nyine omu ngaro zangye, kakaba kari akakaito kakye k'omwereere, nk'ak'oburaingwa burikwingana butyo. Kandi nkaba nyine omuguha ogwo, ogwabaire nigwingana nk'orukumu rwangye omu buhango, nk'ekicweka kya inci, nka batyo. Kandi akaina omu nkaito egi kakaba kari nk'ak'ekingano kya . . . kakye munonga okukira ki-kimwe ky'ebicweka ikumi na mukaaga, obundi, kya inci, omu kaina ako. Kandi nkaba ningyezaho okutsiba akakaito kakye aka, n'omuguha ogu muhango gw'amaani ogurikwingana inci omu buhango. Ha!

Eiraka ryaija, ryagira riti, "Torikubaasa kwegyesa Abapentekoote abeereere ebintu ebirengire eby'obuhangwa." Riti, "Hati, barugyeho!"

98 Kandi omu kaanya ako Yanterura. Yantwara ahaiguru, yanshutamya ahaiguru munonga ahu oruteerane rwabaire nirugyenda omumaisho. Rikaba nirireebeka nk'eihema nari ekanisa mpango nkuru y'obureeberezi, y'omuringo ogundi. Kandi naareeba, kandi hakaba hariho ekibokisi kikye, nka batyo, kiine omwanya mukye omunda. Kandi naareeba Omushana ogwo ogwabaire nigugamba n'omuntu, ahaiguru yangye, ogwo Mushana ogu murikureeba aho aha kishushani. Gukeetooroora gwandugaho, nka batyo, kandi gwaza ahaiguru y'eihema eryo. Reero gwagira guti, "Niinyija kukubugana kuriya." Kandi gwagira guti, "Oku nikwija kuba Okukurura kwa Kashatu,

kandi Otakagambira omuntu weena."

Kandi omu Nengo ya Sabino, Akagira ati, "Oku n'Okukurura kwa Kashatu." Kandi hariho ebantu bikuru bishatu ebirikugyenda Nakwo. Kandi kimwe kyashuuruurwa eriizooba. . . nimmanyisa nyomwebazyo; ekindi kyashuuruurwa eriizooba; kandi hariho ekintu kimwe eki ntarikubaasa kushoboorora, ahabw'okuba kiri omu rurimi orutarikumanywa. Kwonka nyemereire aho honyini kandi naakireebera kimwe. Kandi oku n'Okukurura kwa Kashatu okurikwija. [Ow'eishe-emwe Branham yaakongoota aha kituuti emirundi eshatu -Omur.] Kandi Omwoyo Orikwera wa Ruhanga . . . Oo, mugyenzi! Egyo niyo nshonga eyaatumire Eiguru ryona ryaceceka.

99 Hati, kikaabaire kirungi ndekyere aha honyini, mwareeba. Na-naahurira naazibirwa, kutagamba ebirengire ahari eki. Mwareeba? N'ahabw'ekyo, mwijukye, Akamanyiso ka Mushanju, enhonga eyaatumire katabambuurwa. [Ow'eishe-emwe Branham yaakongoota aha kituuti emirundi mukaaga -Omur.] Mwareeba, enhonga eyaatumire Atakashuuuruura, hatagira n'omwe Owaakamanya. Kandi niinyenda ngu momanye, nangwa Ntakakumanyireho n'Ekigambo kyona, okworekwa okwo kukaija emyaka mingi ehwiringire. Ekyo nimukijuka? [Abateeraine baagira bati, "Amiina." -Omur.] Kandi Nkuku hanu, nk'oku obundi obu bukozire, Nikugyendera kimwe kushorongire kutaaha omu Kigambo buzima omu Kwabaire kuri. [Ow'eishe-emwe Branham yaakongoota aha kituuti emirundi ebiri.] Kandi Ruhanga naamanya omutima gwangye, nkaba ntakateekateekahoga n'omurundi gumwe aha kintu nk'Ekyo, kandi Nkuku kukaba kuri hanu. Obwire buhweire kukira oku turikuteekateeka. Ahaa. Oo, mugyenzi! Ekyo nikyoreka ngu Nikuruga ahari Ruhanga, ahakuba, mwareeba, buzima nikwikirizana n'okuragaanisa kwa Ruhanga, kuruga aha muheru gw'O-Obutumwa.

Nimwetegyereze. Mwetegyereze hati, ahawb'Obutumwa bw'obwire bw'aha muheru, Akamanyiso aka. Oku biri kwona, A-Ashuurwire Obumanyiso mukaaga bwona, kwonka Tarikugamba kintu kyona aha ka Mushanju. Kandi Akamanyiso k'obwire bw'aha muheru, ku Karaatandikye, karyabeera kimwe enaama buzima, okurugiirira omuri Baiburi, Tutakakamanyire. Kandi mwijukye, Okushuuruurwa 10:1-7, 1 okuhitsya ahari 7, eshuura ya 10: 1 okuhitsya 7 eti, "Aha muheru gw'Obutumwa bwa maraika owa mushanju, enaama zonna za Ruhanga ziryamanywa." Turi omu bwire bw'aha muheru, okubambuurwa kw'Akamanyiso ka Mushanju.

100 Hati, nkaamanya nta? Ijweri, Sande ehweire, esaabiiti emwe yaahwa eriizooba, obu naabaire nimbuurira ahari "Mube abacureezi! Mube abacureezi! Mwijukye, Ruhanga akorera omu buntu bukye." Tindamanyire buzima eki kyabaire nikigambaho. Kwonka hati ninkireeba. Kiri omu muringo ogucureire! Okaateekateekire ngu ekintu nk'Ekyo kikaashuururiirwe Vatikani nari . . . Kwonka Nikiija nka Yohaana Omubatizi. Nikiija nk'okuzaarwa kwa Mukama waitu, omu nju yamatungo. Ruhanga Aheebwe ekitiinisa! Mukama mpwera, eshaaha eiriire haihi! Amiina! Turi hanu. Oo, mugyenzi! Mbwenu nimukireeba, Amazima g'okworekwa kwa Ruhanga, Baamaraiaka mushanju nibandeeta kuruga burengyerwa-izooba? Bakaba nibaruga burengyerwa-izooba, nibagaruka burugwa-izooba, nibandeeta hanu ahawb'Obutumwa obu omwebazyo ogu. [Ow'eishe-emwe Branham yaakongoota aha kituuti emirundi ebiri -Omur.] Oo, mugyenzi!

101 Hati, Eiraka ry'okuhinda okwo kukuru, kandi n'omurimo ogwareetsirwe hanu, gushuurwirwe, ngu Ka . . . kandi n'okuhamibwa ngu rikaba riri erya Ruhanga. Muteekateekye hati. Nkaba ntarikumanya Obumanyiso obu, kandi bushuurwirwe omu saabiiti egi. Hariho omuntu weena oteekateekire ahari ekyo, ahari Baamaraiaka mushanju aba okuba Eki, okuba Obutumwa obubaire nibwija, Baamaraiaka abo nibangularura hanu ahawb'Ekyo? Mwareeba?

Mwijukye, Entumwa ya mushanju ekaba . . . Entumwa mushanju zikaba . . . Ogwo owambeereire ow'omutaano, Maraika owa mushanju ogwo, akambeera ow'omutaano okukira ondiijo weena. Hati, mwareeba, bakaba beemereire nka bati. Hati, nitwenda ngu mwetegyereze. Kandi nkaba nyemereire hanu, kandi nkaba nindieba abandi abo . . . Mwareeba, kimwe, ekibiina ky'okubanza, ky'obunyonyi bukye, amapapa goona gabonzire. Nimubwijuka? Kandi bwona bukaguruka bwaza burugwa-izooba. Kandi ekibiina kya kabiri, enyonyi zikaba nizangashana, enyonyi mpango okukiraho, zikaba nizireebeka nk'enkombe, amapapa gashongoize. Zikaguruka zaatoora burugwa-izooba. Okukurura kw'Okubanza, Okukurura kwa Kabiri, bwanyima ekyakuratsireho bakaba bari Baamaraiaka. Kandi nk'oku . . .

102 Nkaba nyemereire aho honyini, kandi okubaruka oku kwarugaho. Kandi nkaba nindanzya oku, okworekyerera burengyerwa-izooba, kandi Baija reero banterura, baantwara ahaiguru, Omwo. Nkarugira kimwe omu kumanya kwangye. Kandi ogwo Omwe Aharibo, arikwija, akaba ari Ogwo omwe owaabaire naareebeka ari ow'omutaano munonga ahariinye, akaba ari aha rubaju rwangye orwa . . . Ari ahari bumosho, aho ahu naataahiire omu kibiina kya Baamaraiaka. Kwonka waabara kuruga bumosho kuza ahari buryo, akaabaire ari Maraika owa mushanju, mwareeba, arikwija naacwekanisa.

Hati, mwijukye, Entumwa mushanju. Nimwijkuka piramidi y'Orukiri orurikwera, y'ekirooto kya Junior Jackson eki naabashoboororoire? [Abateeraine baagira bati, "Amiina." -Omur.] Mwareeba? Mwetegyereze, ekiro eki naarugireyo, kandi nka . . . hakabaho ebirooto mukaaga ebyareetsirwe, kandi buri kimwe omuribyo kyorekyereire ekintu nikyo kimwe. Bwanyima okworekwa kwatandika, kandi kwantwara burengyerwa-izooba. Kandi, Junior, akaba naareeba obwo . . . Mwetegyereze. Mureebe oku kihikiire kimwe! Hati, nyi-nyine amatsiko kandi niinyesiga ngu imwe bantu 'mwe nimwetegyereza ngu ningyezaho kuha Yesu Kristo ekitiinisa, Ori Obukomooko Bwakyo kyona. Kandi enhonga yonka eyaatumire mutakampurirahoga ningamba nti enyimaho,

omu magara gaanyu, kwonka eshaaha egi neirira haihi. Mwareeba? Mwareeba?

103 Mwetegyereze. Hati kukihamy, ahariimwe, kugira ngu kibaase kuhama. Nintebeekanisa kugaruka kubatsigaho. Tindikumanya ei ndikuza. Ninteekwu kubuurira Engiri omu myanya endiijo. Kwonka hati, obu . . . Nimubaasa kugira muti, "Mpuriire omuringo nk'ogwo gwona ogw'okurengyesereza omu kwikiriza." Tindikumanya ki; tindikubaasa kucwera orubanja omuntu ondiijo weena. Ndyabuuzibwa Ruhanga wenka ahabw'ebi na . . . nyonyowe nyenka. Kwonka harabaireho n'omurundi gumwe obu ndabagambiire ekintu kyona omu Iziina rya Mukama, ekyabaire kitahikire, omu myaka egi yoona? [Abateeraine baagira bat, "Ngaaha." -Omur.] Tihariho ondiijo weena orikubaasa kugamba atyo, ahabw'okuba buruijo nkaba nkigamba nk'oku Yaakigambire.

Mbwenu reka mboorekye oku eki gari amazima gonyini, kandi nkihamye. Hati mwijukye, "Ku haraabe hariho ow'omwoyo nari nabi, Nyowe Mukama ndyagamba nawe omu kworekwa, kandi mumanyise omu birooto." Okushoboorora ebirooto, nikwo okwo. Yosefu, akaba naabaasa kushoboorora ebirooto, n'okugamba n'oku-n'okureeba okworekwa. Ekyo n'amazima? [Abateeraine baagira bat, "Amiina." -Omur.]

104 Hati mwetegyereze eki. Ngu, hati, eki obu kyabaho, Junior akaba ayemereire omu musiri ogwabaire gwine-gwinemu piramidi mpango, nka batyo. Kandi hakaba hariho ekintu ekihandiikirwe aha nkiri, kandi Ekyo nkaba ninkishuuuruurira abantu. Ekyo kihikire, Junior? [Ow'eishe-emwe Junior Jackson yaagira ati, "Ekyo kihikire." -Omur.] Nk'omwaka kitakabaireho.

Kandi mwetegyereze ekintu ekyakurataho hati. Nkakwata nk'omutahimbwa kandi naakitemaho, kandi omunda hakaba harimu Orukiri orurikwera orwabaire Rutahandiikirweho ekintu kyona. Kandi, omu bwire obwo, nkatandika kuza burengyerwa-izooba. Kandi boona naabagambira, naagira nti, "Mutaza burengyerwa-izooba. Mugume hanu kandi mureebe Eki okuhitsya obu ndagarukye." Naaza burengyerwa-izooba, ahabw'okubaruka okwo; naagaruka burugwa-izooba, n'Omwoyo Orikwera naashoboorora Ekigambo eki ekitahandiikirwe. Hati, buzima ogwo ku araabe atari Ruhanga Ow'obushoborozi bwona, niinyenda ngu mumanye eki kiri. Eki ningyezaho kukigambira ki, banywani? N'okubooreka ngu turi omu bwire bw'aha muheru.

105 Mbwenu, ebini ebyo ku biraabe bihikiire kimwe omu Kigambo, nikwo n'Aka kahikiire kimwe omu Kigambo! Turi hanu. Turi aha muheru, banywani. Juba buryaba "obwire buhweire." Zaamirioni z'abantu ziryafeerwa amagara gaazo. Zaamirioni, obu hati ezirikwikiriza ngu zijuunirwe, ziryabarwa nk'ebi'okurya by'obusingye bwa atomiki.

Tutwire omu bwire obw'aha muheru. Ahabw'embabazi za Ruhanga Ow'obushoborozi, ahabw'obuhwezi Bwe aha bantu Be, ngu bakaabaasa kutegyereza okureebeka juba kwa Kristo! "Hatsigaire obwire oburikwingana ki, Ow'eishe-emwe Branham? Obundi emyaka makumi abiri; obundi omu myaka makumi ataano; obundi omu myaka igana. Tindikumanya. Kandi obundi omu kashees; obundi nk'ekiro eki. Tindikumanya. Kandi omuntu weena yaagira ngu nibamanya, bagwire. Mwareeba? Tibarikumanya. Ruhanga, wenka, naamanya.

106 Hati mwetegyereze. Ningamba amazima, ahabwa Ruhanga, ningamba Amazima, ngu Obu mbwetegyeresiibwe omu buryo bw'Omwoyo, bwayetegyerezibwa n'Omwoyo Orikwera. Kandi buri kamwe Aharibwo, koorekirwe omwanya Gwako omuri Baiburi. Hati, eki enaama egi nkuru eri ey'omu Kamanyiso aka, tindikumanya. Timbaasize kugyetegyereza. Timbaasize Kugyetegyereza, eki Ki-eki Kigambre, kwonka nimmanya ngu Bibaire biri Ebirikuhinda Mushanju ebyo nibigambira hamwe bikurataine jubajuba, nibibaruka emirundi mushanju etarikushushana. Kandi Haashwekuurwamu ekintu ekindi eki ndeebire.

Bwanyima, Ekyo ku nkireebire, naasherura okushoboorora kwakyo. Kyarabaho jubajuba, kandi timbaasize Kukyetegyereza. Ekyo kihikire buzima. Mwareeba? Eshaaha Yaakyo tekahikire buzima. Kwonka kiri haihi kutaaha omu mwetoorooro ogwo, mwareeba. Nikiirira haihi. N'ahabw'ekyo, ekintu eki mushemereire kukora n'okwijkuka ngu nimbagambira omu Iziina rya Mukama. Mweteguure, ahakuba timurikumanya obwire obu ekintu kirikubaasa kubaho.

107 Hati, ekyo ku kiraahikye aha rutambi rw'amaraka, Ekirikukwatwa aha rutambi hati, ekyo shana nikiza kunyihaho banywani bangye omutwaro. Habw'okuba, nibaza kugira, ngu, "Ow'eishe-emwe Branham naagyezaho okwehindura, n'okwekora, o-omuheereza nari nabi, nari ekindi kintu, omumaisho ga Ruhanga." Reka mbagambire, ab'eishe-emwe, egoy n'enshobe. Nimbagambira ebi ndeebire byonka kandi n'ebi ngambiarwe. Kandi hati ni-mukore kyona eki murikwenda. Tindikumanya orikuza ku . . . ekirikuza kubaho. Tindikumanya. Kwonka nimmanya ngu Ebirikuhinda Mushanju ebyo biine enaama egoy. Eiguru rikaceceka. Buri muntu naayetegyereza? [Abateeraine baagira bat, "Amiina." -Omur.]

Nibubaasa kuba obwire, neebaasa kuba eshaaha hati, ei omuntu mukuru ogu ou twiniire ekihika kureebeka kubaasa kwija. Shana obuheereza obu, obu ngyerizeho kutwara abantu kubagarura aha Kigambo, butaireho omusingye; kandi ku buraabe bugutaireho, ninza kubarugaho, kyarimwe. Titurikwija kuba hanu twembi obwire bumwe. Mwareeba? Ku kiraabe kiri kwo, we naija kuguma naakura; naanye niinyija kugama ningaruka ahansi. Tindikumanya. Kwonka mpairwe omugisha, na Ruhanga, okuranzya n'okureeba eki Kibaire kiri, mwareeba, okureeba nikishuuuruurwa okwingana batyo. Hati, ago nigo Mazima.

108 Kandi nimpamya ngu mwetegyereze ebintu ebibaire nibibaho esaabiiti egi. Nimpamya mureebire oriya

mwojo muto wa Collins arambiire aho arikufa, ekiro kya nyomwabazyo; ogwo mwishiki muto, orware ekookoro y'omu shagama. Obukama bwa Ruhanga nibwija. Kandi Nibweyongyera okuruga omu kicuucu kyabwo okuza omu kirikyo kyabwo, nk'oku butwire. Hati, ekyo tikishemereire kuahahaaza abantu emitima. Okuruga omu kwihwaho orubanja, okuza omu kwezibwa, okuhika omu kubatizibwa n'Omwoyo Orikwera, kandi bwanyima hanu, aha. Mwareeba? Nitwirira haihi munonga na Ruhanga, obwire bwona.

Timurikureeba, abaheereza b'Abametsodisiti, oku obutumwa bwanyu bw'okwezibwa bwabaire buri ahaiguru y'obwo obu Luther yaabuuriire? Bapentekoote 'mwe, timurikubaasa kureeba ngu obutumwa bwanyu bw'okubatizibwa burengire obwo obu Abametsodisiti baabuuriire? Nimumanya eki ndikumanyisa? Oo, tutungire ebintu bingi ebigambirwe! Kandi ekyo kihikire. Kandi ku haraabe hariho omuntu weena orikugaya ebigwire, kandi abantu barikugamba ekintu buzima kwo ekiri ebishuba haza gatari mazima, ekyo ninkyanga. Kwonka nku-nkunda Amazima agahikire, n'obu gaakutariza obwingana ki omuringo ogu nari guri. Ku Garaabe gari Amazima, Ruhanga aha muheru naija kugooreka nk'Amazima. Kandi ekyo ku Araabe atakikozire, ekiro kimwe omu biro ebi, obwo okworekwa kwangye kukaba kutahikire. Hati nimureeba ahu naayeta.

109 "Kiryabaho ryari, Ow'eishe-emwe Branham?" Tindikubaasa kubagambira. Tindikumanya. Kwonka, ekiro kimwe omu biro ebi, ku turaabe tutagarukire kubugana omu nsi egi, nituza kubuganira kuriya aha-aha kitebe ky'okucweraho emanja kya Kristo. Kandi nimwija kushanga, ngu, omu kishengye ekyo, okushuuuurirwa kubaire nikuruga ahari Ruhaga, nk'oku okwo kwona okwatsigara kurugire ahari Ruhanga, ngu Bwo . . . Emwe aha naama z'Akamanyiso ako, enshonga eyaatumire kataashuuruurwa, Kakaba kari Ebirikuhinda Mushanju ebyagambire. Kandi Nkako aho, kihikiire kimwe. Ahabw'okuba, tihariho weena Orikukamanyaho ekintu kyona. N'okuhandiikwa tikarahandiikirwe. N'ahabw'ekyo, turi omu bwire bw'aha muheru. Turi hanu. Ninsiima Ruhanga ahabw'Ekigambo Kye.

Nimusimma ahabwa Yesu Kristo. Ahakuba, kuri Ataramutumire nk'e-ekarabo ahabw'ebibi byaitu, twena tukaabire turi omu kiina ky'ebondo kihango ky'ekibi, tutaine matsiko. Kwonka, ahabw'embabazi Ze, Eshagama Ye-Ye neeshemeza ekibi kyona. Nk'eitondo rya bwino omu baketi y'ekimaramu rangi (Clorox), tokaagaruka kubona bwino. Ebibi byaitu ku biraayaturwe, nibiteebwa omu Shagama ya Yesu Kristo; tibirigaruka kumanywa. Ruhanga naabyebwa; bikaba bitakakorwahoga na kakye. Kandi obwire bwona obu Ekitambo ekyo kirambiire aho omu kuturihiirira ebibi, obwo nikyo ekyo kyonka. Nikyo ekyo, mwareeba. Ti-titukiri basiisi bundi. Turi Abakristaayo, ahabw'embabazi za Ruhanga.

110 Mwijukye, omuriitwe twenka obundi tukaabaire turi babi nk'oku twabaire turi. Kwonka, mwareeba, embabazi za Ruhanga zitubonekyeire, kandi ezo nizo zituhindwire eki turi eriizooba, Abakristaayo ab'eishe-emwe n'ab'eishe-emwekazi.

Egi embeereire esaabiiti erikutangaaza. Nduhire. Obwonko bwangye buruhire. Ahabw'okuba nyi-nyine . . . n'ekirikukirayo eki naakubaasize kukora. Kandi ekintu ekitari kya burijo ekirikugyenda omumaisho, buriizooba. Nkaba ntangaara; okugyendagyenda omu kishengye, kandi mba aho edakiika nkye, kandi ndeeba Ekintu nikimpindurira kimwe buzima.

Kandi, hanu, mbaire nintaahamu okwo kandi nkwata ebihandiiko. Mbaire ninkwata ebitabo bya Dokita Smith, Uriah Smith, na, oo, aba-abahandiiki boona na buri kintu, kandi nshomamu, nshoma omu bitabo byabo. Ngira nti, "Hati hanu hariho Akamanyiso ka Mukaaga. Hanu hariho Akamanyiso ka Kana. Hati omushaija ogu naagamba ki? Agira ati, 'Mpaho, Kakaba kari eki, kiri, nari kiriya.'" Mbaire nindeeba nka hanu kandi nkwata omushaija ondijo. Agira ngu Kakaba kari eki n'eki. Kandi kikareebeka orikushusha oti nka . . . tikirabaire kyo. Mwareeba?

111 Bwanyima naateekateeka nti, "Mbwenu, ni Kaahi, Mukama?" Kandi mbaire ningyendagyenda oku n'oku akaanya kakye. Mbaire ninfukama ahansi kandi nshaba. Ngarukayo kandi nkwata Baiburi; nshutama ahansi, nshoma. Ngyendagyenda oku n'oku. Bwanyima, ahonaaho, ku mpunamire, hanu Kashuuuurwa batyo. Obwo mbaire nimbakura akacumu jubajuba, kandi ntandika Kukahandiika batyo, kyona eki mbaire nindeeba kandi nikikorwa. Ninkireeba, batyo, okuhitsya obu mbaire Ninkihandiika. Bwanyima mbaire nimara, eizooba ryona eryatsigara, ngaruka enyima kandi nsheruririza Eki, reero ndeeba ku Kiraabe nikiikirizana n'Ebyahandiikirwe byona. Bwanyima, "Mugyeze byona." Mwareeba?

Nyne Eki hanu. Kandi naateekateeka nti, "Hati, hariho abantu baingi abaatungire okworekwa. Hariho baingi abaatungire okushuuuurirwa." Ku kuraabe nikuhakanisa Ekigambo, okurekye; ekyo kihikire, okurekye.

112 Hati, mbwenu, obwo Eki mbaire ninkisherura n'enyima okwo nka bati, nkisherura nka bati. Mbaire nimpandiika obuntu bukye hanu. Naateekateeka nti, "Mbwenu, hati, ekiraasi neija kushemererwa kuhurira eki, habw'okuba nikiikirizana hanu kandi kiikirizana hanu. Hati, reka tureebe, eki nikigamba ki hanu? Eego. Kandi, yee, nkiki hanu, hanu honyini." Mwareeba? Kandi Kukigarura kukirabya omuri Baiburi, kandi kukikwatanisa, esaabiiti yoona. Nkikyo aho aha ntambi z'amaraka. Nimutangirirwa okuzitwara. Kandi nkikozire nk'oku ndikukirayo kumanya, omu kukwatanisa kw'Abakristaayo, embabazi za Ruhanga, aha bantu boona, ahabwa Yesu Kristo. Nkozire ekirikukirirayo kimwe nk'oku ndikumanya.

Mubaire kimwe aha kiraasi erikukirayo oburungi. Tihariho n'omwe owaakubaasize kushutama kurungi munonga okubakira. Mwena mutaahiremu hanu shaaha mushanju ez'omu ihangwe, okuhitsya shaaha ikumi

n'emwe, okuhitsya obunaku bwona obu babaire nibaigura ekanisa kandi bakareeta e . . . kwikiriza abantu kutaahamu. Mwemereire omu bufuki; mushutamire omu rubaare; mukozire buri kintu; mwayemerera aha bisiika, okuhitsya obu amaguru gaanyu gasaasire. Mbaire nindeeba abashaija, nibashutama ahansi; bareka abakazi kushutama aha ntebe. Kandi n'abandi abatari bamwe babaire nibeemerera batyo, nibashutama hanu na hari.

113 Nteekateekire nti, "Mukama, kyona . . ." Esaabiiti egi ebaire ey'okutangaaza munonga. Ekintu kyona kibaire nk'ekitari kya burijjo, oku, abantu ku baija, okureebla beemereire aho aheeru, omu madirisa, omu miryango, enyima okwetooroora enyima, buri hantu, bahurikiize. Kandi ekikwatsire aha kuba omugambi murungi, tindi mugambi murungi. Nyi-nyine obwengye oburikugasha butyo, okumanya ngu tindi we, ngu tindi mugambi murungi. Kwonka ahabw'enki abantu baakubaire nibashutama kandi bakahurikiza batyo? Ahabw'enki babaire nibakikora? Tibaija kuhurira omuntu nkaanye. Kwonka baija ahabw'okuba hariho Ekintu ekirimu, ekirkwiriza haihi abantu Aharikyo. Mwareeba? Hariho Ekintu ekirimu, ekirkubairiza haihi.

Nk'oku omukyara wangye yaayemereire hanu aha kituuti akeeshongora, obu naatandika:

Nibaruga Burugwa-izooba na Burengyerwa-izooba,

Nibaruga omu nsi ya hare,

Kurya embaga n'Omugabe, kurya nk'abagyenyi Be;

Ka n'abagyensi abahairwe omugisha!

Nibareeba ahamaisho Ge aharikwera

Nihaaka n'Omushana gw' Obwaruhanga;

Abahairwe omugisha bakwataniise omu mbabazi Ze, Nibamurinkana nk'amabaare g'omuhendo mwingi aha Kirunga Kye.

114 Reka ekyo burijjo mukigumye omu mutima, "Okuba eibaare ry'omuhendo mwingi omu Kirunga kya Yesu Kristo." Paulo akagambira Ekanisa ati, "Muri-muri amabaare g'omuhendo, amabaare g'omuhendo mwingi g'Ekirunga Kye." Nitwenda kuba amabaare g'obuguzi bwingi g'Ekirunga kya Yesu Kristo. Titurikwenda, titurikitamu muntu na kakye. Mwebwe ekintu kyona ekirkunkwataho. Ndi ow'eishe-emwe mugyenzi waanyu, omusiisi owaajunirwe ahabw'embabazi, otashemereire kuba ohuriire. Ago n'amazima gonyini. Ekyo tindikukigamba kuba omucureezi; ebyo n'amazima. Tihaine ekintu kyona omuriinye, tiharimu ekintu na kimwe kirungi, na kakye. Kwonka embabazi za Ruhanga ziikiriize amaisho gangye agagiirweho oruho, agarikuuhweza kubi okuranzya enyima y'orutimbe rw'obwire n'okureeba ebintu ebyo eseeri, kandi nkagaruka.

115 Obu naabaire ndi omutsigazi muto, nkaba nkunda abantu. Burijjo nkaba nyenda omuntu ow'okunkunda kandi akagamba naanye. Tihariho n'omwe owaabaire akikora, ahabw'eiziina ribi ry'eka yangye. Tihariho n'omwe owaabaire agamba naanye. Kwonka ku naayehaireyo ahari Ruhanga, obwo . . . Abantu baitu, obukomooko bwabo, ahabw'okuba enzaarwa za Ireland, nkateekateeka nti, "Obundi . . . Boona bakaba bari Abakatoriki, kandi shana ekyo kikaaba Kyo." Nkaza kuri, kandi akaba Ari omu gundi muringo. Reero naagyenda naashuma omu kanisa y'aba Baptisiti b'Okubanza, kandi akaba Ari omu muringo ogundi. Nkagira nti, "Mukama hashemereire kubaho omuhanda gumwe oguhikire." Reero Ekintu kyagira kiti, "Ni Ekigambo."

116 Nkwatsire ekyo Kigambo. Mureebe buri kworekwa, buri hamwe. Ekiro eki naabyara eryo ibaare ry'enshonda kuriya, kandi nkariitamu omwo, nkahandiikaho ebi Yanyorekire akasheeshe ako omu kworekwa. Ati, "Ogambe n'obweziriki omu bunaku oburagiirwe, n'obutaragiirwe, oteise n'okugumisiriza kandi n'okwegyesa. Ahakuba ebiro biryaija, obu abantu baryanga kuhurira Enyegyesa y'amazima; kwonka ahabw'okugira amatu agarikubarya baryayekanyisiza hamwe, nk'abeegyesa, abarikwegyesa nk'okwetenga kwabo oku kuri; kandi beihwe aha Mazima, bahabe, bakuratire ebiteekyerezo by'ebigunjano." Kandi ndeebire emitibiri egoyi, ei naayemereire aha rubaju, neekora ekintu ekyo kyonyini. Ekyo kihikire. Aho niho turi. Kandi ekyo n'amazima.

117 Kandi, hati, timurikwija . . . Mwijukye. Ka ngarukye mbeehanangirize. Mutagira muti, "Yebare," aha muntu weena, na kakye. Mutagamba, mutateekateeka ngu, omuheereza nanka nari ekindi kintu, omuntu ofa; ngu hariho ekintu kyona kirungi omuriwe. Habw'okuba, tikiraho. Tindikufayo n'oha. Tihariho kintu kyona kirungi omu muntu weena. Ekyo kihikire. Ku haakuba hariho ekirundo kyona ky'enzamba zirunzirwe hanu, kandi emwe omurizo eshemereire kuteera ekyeshongoro nanka, n'omuntu . . . Enzamba ezo tizikaagamba buzima. N'omuntu orikubaasa kuteera enzamba, orikumanya eki arikuza kukora, niwe orikukwata enzamba. Enzamba teine kakwate nakyo. Eiraka riruga omu bwengye oburi enyima yaayo. Ekyo kihikire. N'ahabw'ekyo, enzamba zoona nizishushana. Abantu boona nibashushana. Abakristaayo boona nibashushana.

118 Tihariho abantu bakuru omuriitwe. Tituri bashaija b'amaani, ti bakazi b'amaani. Twena turi ab'eishe-emwe n'ab'eishe-emwe kazi, twena nitushushana, omu kibiina kimwe. Tituri "bakuru." Omwe tarikuhindura ondiijo mukuru munonga okukira ondiijo, ti kintu ky'okukora, na kakye. Ngaaha, sebo. Kureka twena turi abantu kusha. Mutagyezaho kushoboora ebintu. Mutagyezaho kukora ekintu kyona ekirkukira aha kutuura amagara agari haihi na Mukama, murikuhimbisa kandi n'okuha ekitiinisa Yesu Kristo. Buri muntu ekyo yaakyetegyereza hati?

[Abateeraine baagira bati, "Amiina." -Omur.] Amiina. Mumukunde n'emitima yaanyu yoona. Nimukikora? ["Amiina."]

Nimukunda, (kandi niinyija kumukunda!), Nimukunda

Ahabw'okuba Akabanza kunkunda

Kandi yaagura okujunwa kwangye

Aha musharaba Gologosa.

119 Ruhanga ahimbisibwe! Buri muntu naayetegyereza kurungi? [Abateeraine baagira bati, "Amiina." -Omur.] Buri muntu naikiriza? ["Amiina."] Mwijke obu naatandika okubanza nti, "N'oha oikiriize ebi tuhuriire? Omukono gwa Mukama gushuuruuriwe oha?" Abashuuruuriire, okusaasira Kwe, oburungi Bwe? ["Amiina."] Amiina.

Mwijukye, Mumukunde n'emitima yaanyu yoona. Ningaruka omu ka hati. Niinyija kugaruka hanu omurundi ogundi, Mukama yaakunda, nk'ekibanza ky'Okwamukaaga. Shana, Mukama ku araakite omu mutima gwangye, shana obundi ekyanda eki nikikitandika, nk'Okwamukaaga nari obwire bwona, shana obunaku bw'obutiti buri haihi kutandika, Mukama ku araabe ataizire juba, nkaayenzire kugaruka kandi nkaguma hanu ebindi biro mushanju, ahabw'Enzamba Mushanju ez'aha muheru. Ekyo nimukyenda? [Abateeraine baagira bati, "Amiina." -Omur.] Nimwija kunshabira, ngu Ruhanga ampwere? ["Amiina."] Ni kirungi.

Okuhitsya obu ndaagarukye kubabugana, mwijke ekyeshongoro kirungi eki ekya ira:

Nimukunda, Nimukunnda

Ahabw'okuba Akabanza kukunda

Yaagura okujunwa kwangye

Aha musharaba Gologosa.

Hati niinyenda ngu mwinikye emitwe yaanyu. Niinyenda kubashabira. Omuriisa atakabasiibwire, niinyenda kubashabira.

120 Tataitwe ow'omu Iguru, ka abantu, Mukama, beetegyereze. Eki, nimpamya ngu hariho bamwe abatarikwetegyereza. Kwonka, Taata, ka ba-bamanye ekigyendererwa. Kandi ka beetegyereze, Taata, ngu-ngu n'Embabazi Zaawe aharibo ezitumire ebintu ebi byashuuruurwa. Kandi niinyenda Kukusiima, Mukama, ahabw'obwengye bw'okumanya ebintu ebi ebi Iwe otushuuruuriire. Kandi ninshabira buri omwe ori hanu, buri omwe oizire omu nteerane ezi.

Ku haraabe hariho bamwe abatarikwikiriza, ka, Mukama, bahindukye abaikiriza. Ninshabira boona abarihirira Obutumwa obu okurabira omu rutambi rw'amaraka. Kandi ku Buraabahikyeho, eki Burikwija kukora, hataraho kubangaanisa, omu maka n'emyanya mingi y'abataikiriza abaryabuhakanisa; kwonka, Taata, ninshabira buri omwe, ngu batakagambire ekigambo kyona ky'okurogota, ngu babaase kubanza baashutama kandi basherure omu Byahandiikirwe ahabw'ebigambirwe, reero Bakugambire buzima ku n'abeesigwa kandi ku nibenda kumanya yaaba aga gari Amazima nari gatarigo. Mbwenu nimbashabira, Taata.

121 Kandi ninshabira aba abeemereire aha bisiika ebi, abeemereire aheeru, abaashutamire omu motoka zaabo, abaana bato, kandi na boona ababaire omunda. Kandi boona, Mukama, nimbashabira. Kandi ninshaba ngu eshaara zangye zigarukwemu, ngu Nooza kubaha omugisha.

Eky'okubanza, Mukama, heereza buri omwe Amagara Agatahwaho. Ninshaba ngu hataryaija kubaho n'omwe omuribo owaabura, n'obu yaakuba omwe. Kandi hati, Taata, titurikumanya obu ekintu eki kikuru kiribaho. Kwonka ku turikureeba obubonero obu nibureebeka, kandi n'ebirikubaho eby'Ebyahandiikirwe, nikitagasa emitima yaitu okurenga orugyero. Kandi ninshaba, Ruhanga Tataitwe, ngu Noija kutuyamba.

Ninshaba ngu Nooza kuhwera omuriisa waitu omukundwa, Ow'eishe-emwe Neville. Muhindure, Mukama, ajure embabazi kandi ajure amaani, kandi n'okwetegyereza, kugira ngu abaase kutwara Eby'okurya ebibiikirwe ebi reero ariise abaana b'entama za Ruhanga.

Mukama, ninshaba ngu Oturinde endwara. Ka kibeho, ngu abantu ku baraarware, baijukye Eshagama ya Mukama Yesu eriho kandi erikumara byona eri aha itambiro, okurihiirira ebibi. Kandi ninshaba ngu baije kutambirwa ahonaaho. Kandi ninshaba ngu Obarinde amaani ga Sitaane gabaze hare, okubacwa entegye, nari okugyezaho kubahindura bakakora amadiini g'ebikwangara. Nari, obarinde amaani goona ag'omuzigu, Mukama. Otweze ahabw'Ekigambo Kyaw. Ikiriza kibeho, Mukama.

122 Kandi, Mukama, ninshaba ngu Onyambe. Ni ni-nintandika kuhwa amaani, Mukama. Nimmanya ngu ebiro byangye tibirikubaasa kuba bingi munonga. Mbwenu ninshaba ngu Ompwera, omibaasiise kuba ohikire, Mukama, kandi omwesigwa ow'amazima, kugira ngu mbaase kutwara Obutumwa obu nk'oku kyantereirweho kubutwara. Kandi ku kiraahikye omu bwire obu nshememereire kugwejegyera, kandi nkahika aha Mugyera, reero ebingonzi

bikatandika kutaahamu, Ai Ruhanga, ninshaba ngu mbaase kuha Rurara eya ira egi omuntu ondiijo oriba omwesigwa Nayao, Mukama, kandi origuma n'Amazima. Kituhe, Mukama. Kandi, okuhitsya obunaku obwo, mpwera kuba ow'amaani n'okugira amagara marungi, n'obumanzi. Hwera ekanisa yangye. Tuhe omugisha twena hamwe, Mukama. Turi Abaawe. Nitwehuriram hati ngu Omwoyo Waawe ari ahagati yaitu. Nitwikiriza ngu Nooza kugarukamu okushaba kwaitu. Ahakuba, nitwehayo Ahariwe, n'Ekgambo Kyawé, ahabw'okuheereza ebiro byaitu ebyatsigara omu nsi egi, omu Iziina ry'Omwana wa Ruhanga, Yesu Kristo, Omujuni waitu omukundwa, ahabw'Ekitiinisa Kye. Amiina.

Ni . . . (Ruhanga abahe omugisha!) . . . Nimukunda,
(n'omutima gwangye gwona), Ahabw'okuba Akabanza kunkunda.
Ruhanga akuhe omugisha, Ow'eishe-emwe Neville.

[Abateeraine baagumizamu nibeeshongora Nimukunda. Ow'eishe-emwe Orman Neville yaasiibuura n'okushaba -Omur.]

123 AKAMANYISO KA MUSHANJU NIKAGUMIZAMU

[Omu kubanza Ow'eishe-emwe Branham tarashohoize ekicweka eki ekyabandize ekya za paraguraafu 261-374, kureka, omu mwanya gwakyo, akagumizamu aha Rw'okubanza, Okwakashatu 25, 1963, zaaparaguraafu 377-414, nk'ez'okuhendera eziikiriziibwe z'orutambi rw'Akamanyiso ka Mushanju kugabwa omu bwire obwo -Omur.]

124 Kikaaba ekintu kirungi kugira ngu Tiyaakamanyaho ekintu kyona. Ahabw'okuba, ku yaakukimanya, obwo Ekyo akaakitooreza. Obwo n'obugobya bwe omu kukora ebintu. N'ahabw'ekyo, Ruhanga Akasherekire munonga ensi yoona, n'obu ryakuba Eiguru, kugira ngu hatabaho omuringo gwona ogw'Okukeetegyereza, kureka oku Ruhanga Araakashuuure, We wenka.

Hati niinyenda ngu, mwetegyereze omwebazyo ogu, ngu omu Kamanyiso ka Mukaaga, hakaba harimu e-ekigyendererwa ky'enyabushatu ky'Akamanyiso ka Mukaaga. Hakaba hariho ekigyendererwa ky'enyabushatu ky'abatembeire embaraasi. Habaireho ekigyendererwa ky'enyabushatu omu bintu ebi byona. Ekyo nikitugarura ahari ishatu. Kandi mushanju, omurundi ogundi, mwareeba, Obumanyiso Mushanju, Enyabya Mushanju, n'ebindi.

125 Hati, omuri za ishatu na za mushanju, n'enamba za Ruhanga omuri kubara Ye y'okushuuura Ekgambo Kye. Hati nimwetegyereze, nk'omu aba-aba-abatembeire embaraasi, hati, zikaba ziri embaraasi ishatu ezaarugireyo. Emwe omurizo ekaba eri erikwera, endiijo ekaba eri erikutukura, endiijo ekaba eri erikwiragura. Reeru, omu mbaraasi ya kana, ahabw'enki, zoona zikajwangana. Mwareeba, ekigyendererwa ky'enyabushatu.

Hati, Ruhanga akakora ekintu nikyo kimwe. Ruhanga akakora ekintu nikyo kimwe obu Yaatuma entare Ye, ekyabaire kiri Ekgambo Kye, okurwanisa antikristo. Bwanyima nitushanga ngu Akatuma enim omu bunaku bw'okubonabona, enyamaishwa y'ekitambo. Kandi omu bunaku bw'okubonabona oku, nikyo kyonka eki abantu baabaire nibabaasa kukora, kikaba kiri okukora kwonka, obuhuuku, kandi n'okwehayo nk'ekitambo.

126 Bwanyima nitushanga, omu busingye obwakuratsireho, obwabaire buri obusingye bw'abahunduuzi, Ruhanga akatuma obwengye bw'omuntu, omutwe oguri nk'ogw'omuntu aha Kihangirwe ekiine amagara, agaabaire gari amaani agaarugireyo omu bahunduuzi.

Hati mwetegyereize? Buri . . . T'eky'okutangaaza ngu abantu b'ebiro ebi na hati nibakituura omu nkyera (hung-over), nk'oku kyabaire kiri okuruga omu busingye bw'abahunduuzi, ahabw'okuba nibafa kukireeba omu mu-muringo gw'ebi'ekanisa gw'okukireeberamu. Nibakireeba omu muringo ogu zaaseminaro zikyegyeisemu. Ogwo rimwe gukaba guri omuhanda gwa Ruhanga, kwonka ebyo twaherize kubihingura.

127 Hati turi omu busingye bw'empungu, okushuuuirwa kushuuruurwa, ekintu kyona. Hati mugyeragyeranise eki n'Okushuuuirwa eshuura ya 10, omushororongo gwa1 okuhitsya aha gwa 7. Kandi nituza kureeba hanu omu kitabo ky'Okushuuuirwa, Okushuuuirwa hanu, 10:1 okuhitsya aha gwa 7, ngu, "Omu biro by'okugambwa kw'Obutumwa bwa maraika owa mushanju, bukaba buri obw'okumara enaama zoona za Ruhanga."

Hati nitushanga, nabwo, omuri eki, ngu Akamanyiso ka Mukaaga, hati akabambwirwe, kikaba kiri ekigyendererwa ky'enyabushatu. Hati, ebi nibyo byabaire biri ebigyendererwa. Ekintu ky'okubanza, kikaba kiri, ngu omwishiki oshugaine ogwejegyeire akaba naateekwa kuraba omu bunaku bw'Okubonabona ahabw'okushemezibwa. Akaba naateekwa kwogibwaho ebibi bye by'obutakiriza n'okwanga Obutumwa. Eki, akakikorerwa omu bunaku bw'Okubonabona. Nitureeba nibahereerukira hanyima hanu omu kitabo ky'Okushuuuirwa 7, ahagati y'eshuura ya 6 n'eya 7 hanu, ngu akaba yaashemeziibwe, kandi akaba yaahairwe ebijwaro bye.

128 Hati, tari Mugore. Kureka n'ekanisa, abantu abashemeire aba-aba-abataratungire mugisha (opportunity), obundi, kwakiira Obutumwa, nari omu muringo gumwe ngu bakahumisibwa baanabi aba ab'ebishuba. Kandi titibaratungire kagisha, kandi obwo buzima bari abeesigwa omu mutima. Kandi na Ruhanga naamanya emitima yaabo. Kandi mbaba hanu nibashemezibwa, omu bwire obu.

Nimukyetyegyereze, obundi bwire bw'okushemezibwa, okwo n'okwa Israeli, obu eraayerundaane. Ekyo nikyo kya kabiri. Ruhanga naashemeza Israeli omu bunaku bw'Okubonabona. Okuruga omuri zaamirioni eziriteeranirayo, haryabaho emitwaro ikumi na ina n'enkumi ina abatoorainwe, kandi baryashemezibwa, nabo. Ruhanga naashemeza Israeli.

129 Mwetegyereze, aho niho ensi yoona eraaze kushemezibwa. Haryabaho ebintu nk'okwezi, enyonyoozi, n'ebi'obuhangwa byona, baryashemezibwa. Nimureeba eki kiri? Ensi erikwagarura busya, erikushemezibwa, neeyeteekateekyera Okutegyeka kwa Kristo kw'Emyaka Rukumi. Okutegyeka kwa Kristo kw'Emyaka Rukumi nikwija. Kandi, mwareeba, buri kintu ekiinemu oburofa bwona n'eky'okushemezibwa omu bwire bw'Akamanyiso ka Mukaaga.

Hati, mbwenu, nimwetegyereza? Aha kubambuurwa kw'Akamanyiso ka Mushanju aka, nako kari omu naama y'enyanabushatu. Aka, nyine . . . ninza kukigamba kandi naakigambre, ngu n'enaama y'Ebirikhinda Mushanju. Ebirikhinda Mushanju omu Iguru nibiza kushuuura enaama egi. Kiryabaho aha Kwija kwa Kristo kwonyini, ahabw'okuba Kristo akagira ngu tihariho n'omwe owaabaire naamanya obu Yaaabaire naaza kugaruka.

130 Mwetegyereize, obu Abayudaaya baamubuuza ekyo? Mumanye . . . Ku tugueryageranise Ebyahandiikirwe hanu na Matayo 24, hamwe n'Obumanyiso Mukaaga, Akamanyiso ka Mushanju tikagambirweho. Ahabw'okuba, nimureeba, Kristo akagira ati, "Ruhanga We wenka niwe yaabaire naamanya; n'obu baakuba Baamaraiaka tibarikumanya." Taty'okutangaaza, Tikarahandiikirwe na kakye. Nimureeba, bikaceceka; tihariho ekintu ekyabaireho obunaku obwo. Baamaraiaka Tibarikumanya. Tihariho n'omwe orikumanya obu Arija. Kwonka haryabaho a-haryabaho A-Amaraka Mushanju, g'Ebirikhinda ebi, agaraije kushuuura okushuuurirwa kukuru omu bwire obwo.

N'ahabw'ekyo, niinyikiriza, ahariitwe aba . . . Ku turaabe Tutarikukamanya, kandi ku turaabe . . . Tikarimanya okuhitsya obwire obwo. Kwonka Karyashuuurwa omu kiro ekyo, omu shaaha ei kishemereire kushuuurirwamu. N'ahabw'ekyo, ekintu eki tushemereire kukora n'okwebundaaza omu maisho ga Ruhanga, n'Okumuheereza, n'okukora byona ebi turikumanya kukora, kandi n'okutuura amagara marungi, g'Abakristaayo.

Hanu, hati, nitushanga ngu Akamanyiso ka Mukaaga katubambuuriwe; Nitukareeba. Kandi nitumanya ngu Akamanyiso ka Mushanju aka tikarikubaasa kubambuurirwa abantu boona okuhitsya obu eshaaha egyo eraahikye.

131 Hati, hakaba hariho enshonga eyaatumire Ruhanga yaikiriza Amaraka Mushanju aga kuhinda. Ahabw'okuba, Nigateekwa kwija, mwareeba. Ahakuba e . . . Nitushanga ngu Kristo, Omwana gw'Entaama, akatwara E-Ekitabo omu mukono Gwe, kandi Yaabambuura ako Kamanyiso ka Mushanju. Kwonka, nimureeba, n'enaama esherekirwe. Tihariho n'omwe Orkugimanya. Kwonka, Ko-Ko, hamwe n'ebi Yaagambire ati, "Tihariho n'omwe owaabaire naaza kumanya Okwija Kwe." Bakaba nabwo batarikwija kumanya ebikwatsire aha naama egi y'Ebirikhinda Mushanju. N'ahabw'ekyo, nimureeba, bishumikaine.

N'ebyo byona, twine okwetegyereza Kwako, eriizooba, ahabw'okuba Ebyako ebyatsigara bishuurwirwe; kwonka eki tikishuurwirwe. Kwonka nshutami omu kishengye kyangye, kandi naahurira eki . . . nari tikukihurira, nimmanyisa, kureka Nkareebire Nikashuuurirwa omu Birikhinda Mushanju ebi. Hati, aho niho turikubaasa kuhika, aho honyini.

Kandi hati niinyesiga ngu buri omwe omuriimwe naija kuheereza Ruhanga kandi akore ekyo ekihikire. Kandi Mumukunde, n'amagara gaanyu goona, kandi Mumuheereza. Na Ruhanga naija kufayo aha byatsigara.

132 Hati, twine, omu kumariiriza hanu hati, ahabw'embabazi za Ruhanga, enaama zoona ez'Obumanyiso mukaaga obutwire bukomirwe, kandi nitwetegyereza kandi nitumanya hanu ngu Akamanyiso ka Mushanju tikari k'okumanya abantu boona.

Hati, Okwija Kwe, omu shaaha y'Okwija Kwe, obu ensi erihwerekyerezibwa, nimumanya. Aho Akagamba ati, "Akamanyiso k'okwija kw'omuheru gw'ensi karyaba kaahi?" Omuri Matayo 24, aho ahu Baamubuuriize ekibuuozo ekyo. Akashuma ekyo yaakihikaho. Akagamba ahari Israeli erikweteerana nk'eihanga, omu mushororongo gwa 31, ogw'omuri Matayo 24:31. Kwonka bwanyima Yaatandika enfumu, mwareeba. N'ahabw'ekyo nimureeba e . . . "Mwegyere aha mutiini nk'eky'okureebereho. Ku mugureeba nigutooka amababi gaagwo, ahabw'enki, mumanya ngu ekyanda ky'enjura kiri haihi. Reeru ku murireeba eki nikibaho, obwo mumanye ngu obwire buri haihi."

133 Mwareeba, Israeli neyeteeranira omu nsi yaayo ey'obuzaarwa. Kwonka, nimwetegyereze, akareka okushuuurirwa kw'Akamanyiso ka Mushanju aka. Kandi hanu, obu Akamanyiso ka Mushanju, ku Yaakabambire, akagaruka nabwo Yaakareka, mwareeba. N'ahabw'ekyo nitureeba ngu n'Enaama ehweire buzima, n'ahabw'ekyo eshaaha t'ekahikire y'egyo naama kumanya. N'ahabw'ekyo, twahika hare hanu, kandi Ebyako ebyatsigara biryamanya nka haihi munonga n'obwire obu Yesu arigaruka akareebeka omu nsi, ahabw'Omugore We, nari kyona ekiribaho omu bwire obwo.

Hati, okuhitsya obwire obwo, twena ka tushabe kwonka, tutuure amagara marungi, gagororokire, g'Abakristaayo, tutegyereize Okwija Kwe.

134 Kandi hati orutambi rw'amaraka oru ku kyakubaho rukagwa omu mikono y'abantu bamwe ahanti hantu, mutagyezaho kukikoramu omuringo gw'enyegyesa yoona. Ekintu kyonka eki muraakore, mugumizemu nimuheereza Ruhanga. Ahabw'okuba, enaama egi nkuru ni nkuru munonga okuhitsya obu Ruhanga ataraikiriize na Yohaana Okugihandiika. Kikahinda, kwonka Ta . . . ekyo arikukimanya, arikuragaanisa ngu kakaba nikaza kubambuurwa. Kwonka, okuhitsya omu bwire obu, Tikabambwirwe.

135 Kandi hati nitusiima Ruhanga ahabw'ebi Atworekire. Mazire ebiro munaana nshutami omu kishengye ahaiguru kuriya. Kandi Obutumwa obu naamara kubashoboororera, baingi omuriimwe nimwija kwetegyereza. Kandi nkaragaanisa ngu hakaba hariho ekintu ekirikugyenda omu maisho, ky'omwoyo, obwire bwona, eki mbaire nimpamya ngu mubaire nimukifeerwa. Kandi nkiki hanu eki kiri; n'okuhamibwa kwonyini kw'okukushoboororwa kw'Ebyahandiikirwe kwohereziibwe Ruhanga. Ahabw'okuba, Tutakakitaahiremu, kandi nkarugaho kuza burengyerwa-izooba, Mukama akanyoreka okworekwa ekiro kimwe, nka shaaha ina, akasheeshe kamwe. Kandi nkaija naakishoboorora hanu, ku naabaire nkureebire; tinamanyire eki kyabaire kiri. Kikaba kiri ekibiina kya Baamaraika mushanju. Ekyo nitwija kukiijuka. Nimuza kikitunga aha rutambi rw'amaraka, orurikwetwa, Ni Bwire Ki, Sebo? Mpaho, hati, nikyo buzima eki murikureeba hati.

136 Baamaraika mushanju. . . nkaba ndi burengyerwa-izooba. Nimwijuka, entumwa ezo nkye munonga; zikaza burugwa-izooba. Entumwa za kabiri, enkombe, enyonyi empango kakyeho, zikaza burugwa-izooba. Reeru naareeba . . . zikaba ziri naanye, obwire bwona. Okwo kukaba kuri Okukurura kw'Okubanza n'okwa Kabiri. Hati, Entumwa za Kashatu zikaija okuruga burengyerwa-izooba, nizigyenda omumaisho n'embiro nydingi, ezirikutangaaza, kandi Zanterura. Ezo zikaba nizigaruka burugwa-izooba, n'enaama y'Obumanyiso Mushanju obu. N'oku kyagambire omu-omu kirooto kya Junior Jackson, eki Mukama yanyikiriize kumushoboororera okwo batii,

“Omunda ya piramidi egyo, hakaba harimu Eibaare eririkwera eryabaire ritahandiikirweho.” Egyo niyo nshonga eyanyetaagiise kuza burengyerwa-izooba, okukwatanisa n'Obutumwa bwa Baamaraika aba, kugaruka hanu Kubushuuruurira ekanisa. Mwijukye, nkagira nti, “Ebintu ebiraakurateho kubaho biryaba hanu aha kanisa.” Ekyo nikwo kiri.

137 Ekindi kintu, niinyenda ngu mwetegyereze ekyabaireho. Kandi ku oraabe ohurikiize aha rutambi rw'amaraka, rwa Ni Bwire Ki, Sebo?, noija kwetegyereza ngu Maraika omwe akaba ari ow'omutaano munonga ahariinye. Abaatsigara Abandi bakaba nibareebeka nk'ab'obutoosha. Kwonka Maraika ogu akaba ari maraika ow'omutaano. Akaba andi aha mukono gwa bumosh, omu kibiina kya baamaraka omu nshusha ya piramidi. Kandi, mwijukye, hakaba hari omu piramidi, ahu Orukiri orurikwera orw'enaama rwabaire rutahandiikirweho. Kandi Baamaraika bakantwara omu piramidi Yaabo bonka, enaama za Ruhanga zirkumanywa Bo bonka. Kandi, hati, Bo bakaba bari Entumwa ezaabaire ziizire okushoboorora piramidi egyo, nari Obutumwa obwo obw'enaama z'Obumanyiso obu Mushanju oburi omunda ya piramidi egyo.

138 Hati, Maraika, akaba andi aha mukono gwa bumosh, akaabaire buzima ari orikuhereeruka, nari Maraika owa mushanju, ku twakubabazire kuruga bumosh kuza buryo. Ahabw'okuba, Akaba ari aha mukono gwangye gwa bumosh; nyowe Ndikumureeba, nyorekyereire burengyerwa-izooba, Nawe arikwija burugwa-izooba, Akaabaire ari aha rubaju rwa bumosh. N'ahabw'ekyo, obwo bukaabaire Obutumwa bwa maraika ow'aha muheru, ow'omutaano munonga. Nimwijuka oku naagizire ngu Akaba aine, omutwe Gwe agugarwire enyima; kandi n'amapapa Ge g'amaani, gashongoize; kandi n'oku Yaagurukire akaija ahi ndi. Hati, ako n'aka Kamanyiso ka Mushanju. Kakiri ekintu ky'omutaano na hati. Kandi turi . . . titurikumanya eki Kari, na hati, ahabw'okuba Tikaikiriziibwe kubambuurwa.

Kwonka hati, buri omwe omuriimwe omu ruteerane ayetegyereize ekyo, ka rubaire oruteerane! Buri muntu akareebeka nk'otaireho omutima munonga. Kandi buri muntu ayemereire hanu, shaaha mushanju, munaana omu ihangwe, bategyereize enyigi kwigurwa, kandi akaija hanu omu maisho. Kwemerera aha bisiika; ebicweka by'omubiri bikashaasha, na buri kintu. Ekyo ni ki? Abaire ari Omwoyo Orikwera Naantuma Entumwa ezi, kandi Zibaire Nizibutushuuruirira. Reero mwetegyereze oku Bushorongire n'Ekgambo, buzima.

139 Kandi bwanyima okubamanyisa mwena ngu aga n'Amazima, Akakiragura nk'a-nk'ameezi abiri hati, nari okukiraho, kitakabaire n'okubaho. Ngu, ku naagire burengyerwa-izooba, Ntarikukimanya; naagaruka hanu n'okushoboorora nk'oku Akuhaire. Hati mwijukye, omu kworekwa, Tarangambiire ekintu na kimwe omu kworekwa obu Yantwara ahaiguru. Nkatiina, nyine obwoba ngu nkaba ninza kufa, okufeera omu kubaruka. Nimureeba, bakaba batarikubaasa kukikora. Okushoboorora kukaija nk'oku naabaire Ninkwetenga, ekyo kikabaho omu kishengye, kandi Nkakuha nk'oku Yaakumpaire.

Hati, nimureeba, banywani, okworekwa tikuremwa kuhikiirira. Burijo kuhikire. Kutuura kuri amazima gonyini.

Hati, okworekwa, waagaitaho Ekgambo, hamwe n'ebyafaayo, okataho n'obusingye bw'ekanisa, na byona, nibikwatana hamwe. N'ahabw'ekyo, nkaabaasa buzima kugira, ngu, omu kwetegyereza kwangye okurikukirayo, kandi n'okurugiirira aha Kigambo kya Ruhanga, n'okworekwa, kandi n'okushuuruirwa, okushoboorora oku ni OKU NIKWO MUKAMA ARIKUGIRA.

Hati, Mukama abahe omugisha mwena, buri omwe, munonga buzima, obwo turikwemerera n'okweshongora ekyeshongoro kirungi ekya ira ky'ekanisa. Ruhanga abahe omugisha, buri omwe. Amiina. [Ow'eishe-emwe Branham yaayongyera enyiriri ina ezaakuratiraho, eziihirwe omu paraguraafu 374 y'Obutumwa bwe bw'ekiro ekihereerukire omu mwebazyo, Okwakashatu 24, 1963. -Omur.]

140 Ni . . . (Ruhanga abahe omugisha!) . . . Nimukunda,

(n'omutima gwangye gwona)

Ahabw'okuba Akabanza kunkunda.

Ruhanga akuhe omugisha, Ow'eishe-emwe Neville.



www.messagehub.info

Obutumwa obu bukabuuirirwa
William Marrion Branham
“... omu biro by'eiraka ...” Kush 10:7